

CHRISTIANVM
MONITVM

R. P. FRANCISCI BONÆ SPEI

AD

R. P. M. CHRISTIAN. LVPVM

Ordin. Eremit. S. Augustini,

SUPER


APPENDICE APOLOGETICA

PRO

Ioanne 44. Patriarcha Ierosolymitano
contra eundem

NUPERRIME EVULGATA

Typis ENGELBERTI GYMNICI. Antverpiæ M. D. LXV.



CHRISTIAN V
MOMT V

OF THE SOCIETY OF BONDAGE

R. M. CHRISTIAN V

(The Society of Bondage)

APPLIQUE APOLGETICA

London & Edinburgh

and Glasgow

W. B. & C. 1841

Printed by W. B. & C. 1841

Rationem habes, Eruditissime Lector, in finē APOLOGEMATIS nostri in D. Caramuelem nuperrimē RETORTI, cur presens MONITUM CHRISTIANUM in hanc diem suspenderimus: aliam modō subijci-mus, quæ illud statim laxandum omnino suadet, videlicet in Joannem Je-rosolymæ Episcopum, sive 44. Patriarcham Jerosolymitanum, R. P. M. Lu-pi Ord. Erem. S. Augustini ante jam calumniam, modō gravissimā S. E-piphanii, S. Hieronymi, Em. Baronii, Em. Bellarmini & Authorum Cen-suræ Theologicæ, extantis Tomo 9. Bibliothecæ Sacræ, per M. S. Palatii, Sacrasque Facultates Parisiensem & Coloniensem probatæ, injuriā, han-d minus falsd, quam speciosissime palliatam. Calumniæ enim P. M. Lupi est hæc, qui hodiè pro Tertulliano, Origene, Lucifero (nota P. M. Lupum etiam hunc, de quo infrà, valdè injuriosè cum Luthero & Calvino compara-re,) Joanne Jerosolymitano Apologias in Ecclesiam spargunt, lavant Æthiopes, compescendique sunt, ut ingenia libertina, & noxia, nisi brevi etiam pro Mart. Luthero & Joanne Calvino velimus Apologias videre. Pallium verò sive Responsum ejusdem P. M. Lupi ad libellum ad-versus ipsum D. Rectori Magnifico à nobis, ut justam satisfactionem impe-traremus, porrectum, fuit hoc 31. Augusti 1665. Magnifice D. Rector. Ad libellum, adversus me à RR. PP. Carmelitis exhibitum, respondeo me de Joanne Jerosolymæ Episcopo nihil scripsisse, nisi quod habent S. Epiphanius, S. Hieronymus, Card. Cæsar Baronius, Card. Robertus Bellarminus, & Censuræ Theologica, extans Tomo 9. Bibliothecæ Sacræ, probata per Magistrum Apostolici Palatii, Sacrasque Facultates Parisiensem & Coloniensem. Ego de libris meis nihil possum radere, nisi cum tantorum Virorum gravissimā injuriā. Ubi eorum scripta videro per Roman. Ecclesiam damnari aut aboleri, ego etiam libros meos, non tantum ad Magnificentiam vestræ jussu, sed propriā sponte radam mox & recantabo. Quod dum fiat, supplico me, qui bonis horis ad res serias opus habeo, absolvi ab accusantium molestiis, & ipsos à dicacibus elogiis, quæ monachalem modestiam insigniter dedecent, com-pesci per vestram Magnificentiam, quam Deus, &c. F. Christ. Lupus.

Unde manifestum est P. M. Lupum in judicio D. Rectoris Magnifici U-niversitatis Lovaniensis, fecisse S. Epiphanium, S. Hieronymum, Em. Card. Baronium & Bellarminum, &c. Authores calumniæ, quam contra Joan-nem Jerosolymitanum & totum in eo Carmelitarum Ordinem effutivit, uti

dentur sequitur ex premissis illius verbis: Respondeo me de Joanne Jerosolymæ Episcopo nihil scripsisse, nisi quod habent S. Epiphanius, S. Hieronymus, Card. Cæsar Baronius, Card. Robertus Bellarminus & Censura Theologica, &c. Et si tam verum sit, P. M. Lupum scripsisse calumniam, quam non habent; quam verum est, ipsum nec citare, nec posse, loca, in quibus vel solum apparenter quidpiam simile habent. Ut quid igitur tam evidens figmentum?

Replicaret credo S. Hieronymus, si viveret. Ubi Joannem Jerosolymitanum, ante vel post mortem vocavi Æthiopem? Numquid aperte de illo in Epistola adversus ipsum scribo, non eras tam stultus, ut apertè defenderes hæresim, quam sciebas Ecclesiæ displicere. Et de eodem addo: Certè si hæreseos nulla suspicio, ut cupio, & credo (nota) cur non (huius rationem habes in APPENDICE APOLOGETICA efficacissimam) verbis meis sensum meum loquitur? Ac confirmo ad Isidori pro Joanne objectionem, Quare ei communicastis, si hæreticus erat. Ibidem respondens, audivit ab omnibus, communicavimus nihil de hæresi suspicantes, &c. Nec ab eo recedit Epiphanius in Epistola ad Joannem scribens, quandò autem complem us orationem secundum ritum mysteriorum, & pro omnibus, & pro te quoque dicimus, custodi illum, qui (scilicet Joannes Jerosolymitanus) prædicat veritatem. Ubi scripsi, tot P. P. Sanctos, Pontifices, Doctores, & Martyrologistas infra relatos, pro Joanne Jerosolymitano Apologias componentes, esse ingenia libertina & noxia? Ubi comparavi Joannem Jerosolymitanum (cui post pœnitentiam de mea adversus ipsum malè fundatâ & nimium exaggerata suspicione Origenismi, nondum ab Ecclesia damnati, reconciliatus sum, me ei tanquam Sancto subjeci, pastorem habui, nec usquam insinuaui ipsum in hæresi mortuum) Martino Luthero & Joanni Calvino, quorum errores sunt passim in Tridentino damnati, & in sua hæresi creduntur obstinatè mortui. In summa, ubi umbram habeo horum tue calumnie verborum, qui hodiè pro Joanne Jerosolymitano in Ecclesia Apologias spargunt, lavant Æthiopes, compescendique sunt tanquam ingenia libertina & noxia, nisi brevi velimus pro Martino Luthero & Joanne Calvino Apologias videre. Nusquam certè.

Idem indubiè replicaret S. Epiphanius ob premissa, & alia in APPENDICE &c. fusius deducta. Idem etiam replicarent Em. Card. Baronius & Bellarminus; quia licet SS. Epiphanio & Hieronymo intenti, sed non satis ad utriusque vindictam, & subsecutam pœnitentiam, attenti, Joannem describant de hæresi, sive de Origenismo suspectum, aut si malis, Origenistam:

nus-

nusquam tamen scribunt, ipsum fuisse de aliqua ante damnata heresi ab aliquo Concilio aut Pontifice condemnatum, nusquam in operibus ejus repetiri heresim, non solum non ante, sed nequidem post mortem ejus, damnatam, nusquam ipsum in heresi mortuum: ac proinde nusquam, velex umbra solum, hec, qui hodiè pro Joanne Jerosolymitano Apologias in Ecclesia spargunt, lavant, Æthiopes, compescendique sunt tanquam ingenia libertina & noxia, nisi brevi velimus Apologias pro Martino Luthero & Joanne Calvino videre. *Quid plus?*

Replicarent isti omnes, si viverent: malè tibi consulis P. M. Lupus calumniam de Joanne, nova de nobis, palliando, & nostra scripta ad ejusdem tue calumnie statum deprimendo, dum addis: Ego de libris meis nihil possum radere, nisi cum tantorum Virorum gravissimainjuria, ubi eorum scripta videro per Romanam Ecclesiam damnari aut aboleri, ego etiam libros meos, &c. radam mox, & recantabo: *ne attendis, quod tibi replicari possit, vix ullam bucusque esse damnatam heresim, que cum S. Scriptura, Sanctorum scriptis & ratione, majorem apparentiam non habuerit, quàm à te scripta calumnia cum nostris scriptis; ac proinde si ita scribendo excusari debeas, à fortiori excusari debere omnem hereticum, dicentem: Ego de libris meis nihil possum radere, nisi cum S. Scripturæ, Sanctorum scriptorum, & rationis gravissimâ injuriâ: ubi S. Scripturam, Sanctorum scripta & rationem videro per Romanam Ecclesiam damnari, aut aboleri, ego etiam libros meos, &c. radam mox, & recantabo. Quia autem nullus hereticus ob hoc, evidenter fictum ad illud necessarium, ab heresi excusari debet; ita nec P. M. Lupus obinde à sua calumnia excusari potest. Brevius ego*

Replico: quod, uti P. M. Lupus præcitatam calumniam sine ulla ratione & fundamento effutivit, ita sine ulla ratione, & fundamento tantos Viros sue calumnie facit authores, & patronos: præterea tamen, quàm insigniter Responsum istud ejusdem P. M. Lupi, veritatem, justitiam, & Monachalem modestiam dedecet, sicque bonas horas impendat concinnandis injuriis S. Epiphanio, S. Hieronymo, Em. Cardinalibus Baronio & Bellarmino, &c. uti Joanni Jerosolymitano, & toti Ordini nostro, babes prælibatum: & ex nostra adversus ipsum APOLOGETICA APPENDICE, &c. evistum SS. Epiphanium, Hieronymum, &c. habuisse quidem Joannem Jerosolymitanum de Origenismo, nondum ab Ecclesia damnato, suspectum; at sine fundamento ullo, & merè in ultionem comminationum Joannis Jerosolymitani ad Epiphanium, eò quod in illius Diœcesi absque ejus consensu

Jensu ordinaverat Paulinianum S. Hieronymi fratrem germanum. Sed sicut ex tali suspitione temerè inferres, Joannem reipsâ defendisse propositionem tunc ab Ecclesia damnatam, reipsâ fuisse hæreticum, reipsâ libris ejus continuisse errores tunc aut postea ab Ecclesia damnatos, ipsum reipsâ in hæresi mortuum, &c. i. d. P. M. Lupus temerè eum comparat Luthero & Calvino, quibus hæc omnia conveniunt: nec sine temeritate dicit SS. Epiphanium & Hieronymum, Em. Cardinal. Baronium & Bellarminum, hæc aut similem de Joanne Jerosolymitano habere comparisonem, cum ne umbram quidem illius citet, aut citare possit. Verum tamen infra fuscè probatur, quod suspicio illa, ut potè malè fundata, de Origenismo nondum tunc ab Ecclesia damnato, verè in ultionem comminationum, &c. Joanni Jerosolymitano non ita muerit, quin in vita & morte sit habitus Sanctus, iuxta dicenda nu. 11. ab Augustino, ipsomet Hieronymo, Hilario, Zozimo & Anastasio Pontificibus, Martyrologistis & aliis plurimis, quorum, aut sibi data, elogia P. M. Lupus satis dicaciter vocat dicacia, &c. dum audet Patriarcham vivum & mortuum in opinione Sanctitatis Martino Lutbero & Joanni Calvino impiissimis comparare; SS. Epiphanium & Hieronymum, Em. Card. Baronium & Bellarminum sue calumnie Authores & Patronos facere; SS. Patres, Augustinum, Hilarium, &c. summos Pontifices Zozimum & Anastasium, Martyrologistas, & Doctores celeberrimos infra citatos, qui pro Joanne Jerosolymitano aut Apologias composuerunt: aut componendi materiam subministrarunt, scribere compescendos tanquam ingenia libertina & noxia: quibus nihil dicacius, & monachalem modestiam insignius dedecens.

Quia tamen P. M. Lupus nos ad Romanam Ecclesiam, sive S. Sedem pro damnatione, & abolitione Scriptorum S. Epiphanii, S. Hieronymi, Emin. Card. Baronii & Bellarmini, ac Historiæ Sacræ remittit, de suis libris nihil rasurus priusquam damnentur aut aboleantur: ipsi lubenter acquiescimus, & ad votum ejus S. Sedem adibimus; non quidem ut tantorum virorum scripta damnet aut aboleat, quod temerè præsumit necessarium; sed ut, quàm procul ab ejus calumnia distent sanctorum Epiphanii & Hieronymi, Em. Card. Baronii & Bellarmini ac Historiæ sacre scripta, declarare dignetur: nisi quantociùs, visò presenti MONITÒ CHRISTIANÒ, (quod petiit in Præfatione ad Partem I. suorum Scholiorum, &c. his verbis: Quia in multis cespitaverim, immò & lapsus sim, non dubito, ideoque impendi mihi precor CHRISTIANAM fraternæ charitatis gratiam) nobis de saniori ejus mente constet. Igitur sit

PRÆSVPPOSITVM

DE ENCOMIIS

JOANNIS XLIV.

PATRIARCHÆ JEROSOLYMITANI

Ante Monitum Christianum.



Abes quidem, *Erudite ac pie Zelotes*, in altero Opere nostro *De Visione Elia*, &c. Joannis 44. Patriarchæ Jerosolymitani Encomia sanctitatis vitæ & morum, vindicias contra fidei ejusdem criminatores, & in *Appendice Apolog.* adjecta *Visioni*, &c. verum ac genuinum sensum *Epistolarum* SS. Epiphaniî ad *Joannem Jerosolymitanum*, & Hieronymi ad *Pammachium adversus eundem Joannem*, ex quibus super Joannis fide & morum sanctitate est totius ferè origo hallucinationis. Sed nè fortè Opus illud ad manum non habeas, & cum aliunde ante *Monitum Christianum*, quod subjicimus, patere debeat. 1. Quàm injuriosus sit Joanni Patriarchæ Jerosolymitano, & in eo toti Carmelitarum Ordini, calumnix ictus, de quo infra, à P.M. Lupo Ord. Erem. S. Augustini datus. 2. Quàm justè hic iterum istiusmodi calumnix retractationem, & pro totius Ordinis læsione satisfactionem urgeam. 3. Quàm frivole excusationem simulat à stricta, ut fertur, & nullatenus credo, ut dixi supra in fine *Seriei Dubiorum*,

&c. Theologica Facultate Lovaniensi acceptam, nè nostræ adversus ipsum pro dicto Joanne 44. Apologiz respondeat, aut calumniam retractet; quasi verò ista Facultas judicasset, causam non esse tanti momenti, ut P. M. Lupus ad alterutrum teneatur. Necessarium judicavi, ad majorem *Moniti* desuper *Christiani* efficaciam huc nonnulla reproducere eorum, quæ in Opere *De Visione Elia*, &c. produxi. Itaque

2 Suppono imprimis ex P. nostro *Lezana Annal. tom. 2. an. Christi 351.* Natale Joannis 44 fuisse circa *an. Christi 351.* ex Atavis Latinis: unde, quod etiam aliunde in *Visione* dicta excusavimus, mirum non est, si interdum in suis Operibus Romanizet. Studium sacrum, ab ineunte ætate, juxta illud Hieronymi *Epist. 62. ad Theophilum* (per appostrophen, inquit noster *Lezana ibidem*) *A parva ætate sacris litteris eruditus es: nosti, quò sensu, unumquodque dicatur.* Episcopatum Patriarchalem, anno 386. juxta Em. Baronium *cod. An. Monachatum & vitæ sanctitatem de cætero*, ex irrefragabilibus testimoniis infra & in *Visione Elia*, &c. adductis, quibus adden-

dum occurrit, illud Augustini, aut alterius, nomine ejus larvati (qui saltem, ut spero, apud S. Augustini Eremitas, & inter illos P. M. Lupum, magnæ est auctoritatis) *serm. 39. ad fratres in eremo*, his verbis: *Sicut cum Elia, Paulo, Hilariæ, Antonio & Joanne*. Hunc enim Joannem esse nostrum 44. arbitrat^r Lezana *ibid.*

3 Nec ab eo horrent. Primò: quæ de Joanne 44. habet idem Augustinus lib. 2. contra Litteras Petiliani cap. 5. *Cathedra quid sibi fecit Romana Ecclesie, in qua Petrus sedet, & hodiè Anastasius sedet: vel Ecclesie Hierosolymitane, in qua Jacobus sedet, & in qua hodiè Joannes sedet.* Et lib. 2. de gestis Pelagii cap. 14. & 30. in quibus Joannem mortuum bis præconio Sancti commendat, uti & Zozimus Papa n. 11. citandus, scribens, *Ecce Epistolam Hierosolymitani Episcopi Praxylli, qui in locum quondam Sancti Joannis (nota) Episcopus est ordinatus.*

4 Secundo: nequidem abhorrent ea, quæ de ipso scribunt ejus Antagonistæ, de quibus n. 1. Epiphanius in Epistola ad ipsum Joannem 44. *Quando autem completus orationem secundum ritum mysteriorum, & pro omnibus, & pro se quoque dicimus* (supra quem individualiter cadunt verba sequentia) *CUSTODI ILLUM, QUI PRÆDICAT VERITATEM.* Et Hieronymus in Epistola ad Theophilum: *Aut quasi Pontifex cunctis imperet; aut quasi imitator Apostoli universorum salutem ex æquo servat: si talem se præbuerit* (præbuisse autem constat ex Appenðice Apologetica, & infra,) *extendamus brachia, amicos & parentes habeat, & sentiat in Christo, sicut omnibus sanctis* (nota) *ita nos & sibi esse subjectos.* Si ita sentiant ejus Antagonistæ, quid de Commilitonibus ante & post mortem ejus indifferentibus? Eo-

um multos habes infra citatos: hic addi sufficiat omnium in terris Supremi Ducis testimonium, post Joannis Antagonistas convictos & poenitentes, videlicet, Anastasii Papæ *An. Christi 402.* in Epistola ad Joannem Hierosolymitanum, Antislitem 44. quæ extat *tom. 1. Epist. Rom. Pontif.* & apud Hieronymum *tom. 9.* quæ sic scribit, *pro tanto igitur præconio, quod in meritis meis effusissimè contulisti, ut amoris tuo gratias ago, ita splendorem sue sanctitatis (nota) & eas, quas in Domino habes virtutes, subinde quodammodo parvitas nostra favorabilis sermo prosequitur, tam eminentier, ut omnium præstantissime (nota iterum, Pontifex loquitur, qui nôverat præteritas Joannis 44. cum Epiphanio & Hieronymo dissensionibus,) laudem tuam fulges nitore conspicuus, ut par esse meritis sermo non possit.* Porro autem tanti titulorum tuorum rapior incitamentò, ut etiam, quod impetrare nequeo, audere non desinam, &c.

5 Suppono deinde P. nostrum Petrum Wastelium in Vindiciis Joannis Hierosolymitani *tom. 2. sect. 3.* per totam *Impress. Bruxellensis*, Offendicula, quæ ex operibus Joannis Hierosolymitani prætenduntur, efficaciter tollere, nubila Soli opposita dissipare, & veritatem eruditissimè vindicare: unde noster Lezana *Annal. tom. 3. ann. Christi 412. nu. 6. Impress. Rom.* cum approb. Mag. S. Palatii anno 1653. (quem proinde nec Em. Baronius, nec S. Inquisitores fidei, de quibus infra n. 11. viderunt.) *Quod Libri Joannis Hierosolymitani de Institutione Monachorum, interior doctrina nullatenus notari possit, nisi in media luce cæcuscientes finis, nullo aliò aptiori medicò comprobari potest, quàm Lectorem ut judicem interpellando. Legatur attentè, non cursim, aut*

Christ. Lupum, super Append. Apol. pro Jo. 44. Patr. &c. 327

carpendi libidine; & ibi, cum claritate doctrinae, ac Sacrarum Scripturarum promptissima explanatione, spiritualia documenta, moralia instituta, regularia precepta, mystica & allegorica, plurima reperientur, quae animum ad pietatem & Dei amorem efficaciter promoveant.

6 Subdit autem ibidem. Eodem anno anno Christi 415. & 416. Non pauca suggerit hoc tempus nostra Historia propria, utpote quae Joannem Hierosolymitanum nostrum proximè tangunt. Primò, celebre illud de inventione Reliquiarum S. Stephani Protomartyris, aded in Ecclesia Catholica solemne, ut die tercia Augusti quotannis celebretur. Quoad tempus huius inventionis error irrepsisse creditur in Bedam, Nicetam, & alios. Quoad substantiam verò, & reliquias ipsius circumstantias, necessariò standum Epistola Luciani Presbyteri, quem Gennadius in lib. de Vir. illustrib. cap. 46. ejus temporis Scriptorem virum sanctum appellat, ac dicit, scripsisse revelationem, sibi divinitus de ea re factam. Habetur autem apud Snrium tom. 4. pro 3. Augusti, & Baronium sub ann. 415. Ex qua, brevitati consulentes, huius Historiae compendium exceperimus. Erat hic sanctus Vir Lucianus, Presbyter Ecclesiae Villa Caphargamala, in territorio Hierosolymorum, ac proximè Joannis nostri, ejus Urbis Antistitis, subditus. Cum autem in die Parasceve, in loco, Baptisterii dicto, dormiret, Ecclesiam custodiens hora tercia noctis: Vidi, inquit, virum senem, longum, dignum Sacerdotem, eanum, barbam prolixam habentem, palliatum albà stolà, cui inerant gemmulae aureae, habentes intrinsecus sanctae Crucis signum, & virgam aurcam in manu tenentem. Venit, & stetit ad dexteram meam, & aureà virgà pulsavit me; ter vocans nomine meo, dicens Luciane, Luciane, Luciane, & dixit mi-

hi Graeco sermone; vade in Civitatem, quae dicitur Ælia (quae est Jerusalem) & dic Joanni, qui est in ea Episcopus: quamdiu clausi sumus, & non aperis nobis. Hic notet Lector, quod, cum in hac revelatione, facta talitèr, Joannes noster interpelletur, satis inde pietatis elici valet, contra quosdam novos rigidos Censores, ipsum à criminis haereseis labe abfuisse semper, vel hoc saltem tempore revelationis factae. Non enim aliter pietati capi potest, quod ipsius memoria, in re tam gravi, & totam Christianitatem concernente, haberi mereretur. Nec cur etiam adderetur: Maxime, quod in temporibus tui Sacerdotii oportet nos revelari? Cum per hoc denotari videatur sanctos illos, quorum corpora inveniebantur, veluti desiderasse, tempore Joannis mundo manifestari. Subjungit Lucianus, qualiter ille, qui cum eo loquebatur, esset Gamaliel, Pauli Apostoli Magister; & quod illi, quorum corpora ibi jacebant, essent Stephanus Protomartyr, & Nicodemus ille, qui Joann. 3. venit ad Jesum nocte, ac Abibas filium ejusdem Gamalielis; & quod, cum ipse dubitaret de Visionis veritate, ac propterea jejuniis & orationibus Deum exoraret, secundo apparueris illi idem Gamaliel, dicens: Quare neglexisti ire, & dicere sancto Episcopo Joanni? Huc sistat Lector, ac videat nomen sancti Joannis nostro concessum; non ab eis, qui inter mortales vitam degerent; sed à celestis Patria civis Gamaliel, qui, utpote in Dei essentia conspiciens ea, quae ad Hierosolymorum Urbem (unde ipse erat) ejusque Antistitem spectabant, haud ignoraret Joannis fidem Orthodoxam, probitatem ac sanctitatem, verbis illis, sancto Episcopo Joanni, indicatam. Unde, etsi post tertiam revelationem, ac sibi factam comminationem, aliudq. mentis excessum, pergit Lucianus dicens: Benedixi

Dominum, & perrexi ad Civitatem ad sanctum Joannem Episcopum. Ubi, titulo Sancti adjuncto nomini proprio Joannis, non appellativo Episcopi, quod majoris emphasis & energia signum est, Gamalielis exemplo, ipsum decorat, prout etiam facit in sequentibus. Et imitantur ferme universaliter Ecclesie Monachorum, Regularium Canonico- rum, Mendicantium; & canunt Ecclesie Trevirensis, Leodiensis, Cameracensis, Beluacensis, Aurelianensis, Pictaviensis, Cenomanensis, & alie in Germania & Gallia, quæ ipse sicut Breviariis, sive impressis, sive manu scriptis in hoc officio Inventionis S. Stephani Joannem nostrum Sanctum appellant, ut assertit VVasslelius in Vind. oper. Joann. tom. 2. lib. 3. art. 4. in libri Coronide. Item in Hispania, sancta & Metropolitana Ecclesia Tolitana, Cordubensis, Giennensis, & Segoviensis, cum pluribus aliis Religionibus, ut in Memoriali ad S. Officium Hispanice Inquisitionis sessati sunt egregi Defensores Historie Prophetice R. P. Francisci à S. Maria. Auduit Joannes Lucianum sibi ea referentem, lachrymatus: est præ gaudio sibi hoc onus impostum agnovit, fodi locum Reliquiarum eidem Luciano præcepit. Et ille, obtemporans Antisliri, Villæ habitatores pro pio opere convocare studuit.

7 Inter cæda duo alia, pro nostra quoque Historia utilia, hæc Luciani Epistola continet. Primum, eundem Gamalielæ apparuisse eadem nocte Monacho cuidam, nomine Nugerio, innocenti & simplici Viro, ipsiq; intinuisse, ut moneret Lucianum, ne quæretes corpora dictorum Sanctorum in loco illo, quem fodere ceperat, sed in aliis, ubi tandem inventa sunt. Secundum, quod Sanctorum Corporum inventionem renunciavit Luciano Episcopo Joanni, qui tunc temporis erat in Lidda, alias Diopsoli, Synodum quandam celebrans cum aliis Episcopis,

Ex quibus primum illud de Monacho Nugerio alia notatione non egerit cum de ipso nihil aliud reperitur; solumq; à Deo id factum creditur, ut sanctus hic Monachus, prout Baronius supra notat, testis etiam esset tanti Miraculi, ut in ore duorum vel trium, flaret hoc verbum & in fidelium documentum, ne faciles fuit in hujusmodi rerum credulitate, quæ fide dignorum testimoniis comprobata non apparent.

8 Quod verò spectat ad Lydensem illam, seu Diopsolensem Synodum, cui Joannes hac occasione assistens scribitur, ea fuit, in qua, ut testantur D. Hieronymus Epist. 79. ad Alipium & Augustinus. D. Augustinus lib. 2. retractat. cap. 47. & contra Julian. lib. 1. cap. 5. ac Prosper lib. de ingratis. Pelagius infamis Monachus coactus est suas hæreses condemnare. Erant autem hujus hominis errores sequentes. Primus, Adam sive peccasset, sive non peccasset, mortuus esset. Secundus, peccatum Adæ solum læsit ipsum, non alios. Tertius, infantes nuper nati, in illo statu sunt, in quo Adam fuit ante prævaricationem. Quartus &c. Quamvis autem hæc omnia Pelagius ipse anathematizaverit, ceterum versutus in dolo id egit; quamprimum enim ex eo Concilio evasis, ea & similia dogmata iterum docere præsumpsit. Unde etsi judicium Palæstinum fallere potneris, non tamen fefellerit Romanam Ecclesiam aut Papam. Sic ex D. August. lib. 2. de pecc. orig. cap. 8. & 9 colligunt moderni.

9 Ad Historiam tamen, à qua digressionem fecimus, filium regredientes. Postquam Lucianus desideratas thetas Reliquiarum Sacrarum reperit, Joannemq; Antisliritem ea de re monuisse; ipse, assumptis duobus aliis Episcopis, Eleutherio Sebasticensi & Eleutherio de Hierico, ad locum ipsarum pervenit, ipsiq; recognitis, ac pie veneratis (eo etiam quod mira-
culis

culis earum inventio à Deo confirmabatur)
B. Stephani Reliquias in sanctam Ecclesiam
Sion Hymnis , & Canticis deportari fecit. A-
lia ad hujusmodi casum concernentia , seu spe-
ctantia , præsertim in diversis translationibus
Reliquiarum ejusdem Stephani & prima om-
nium ad partes Occidentales per Orosium Hi-
spanum, clarissimum Virum, eò tempore Jero-
solymsi agentem , habes Lector ex authoribus
relatis, Baronio præsertim , cum suprà, tum
in Notis ad Martyrologium Romanum
die 3. Augusti, & Francisco Bivaris in No-
tis ad Flavium dexterum circa hoc tem-
pus ; Nos enim propria investigamus.

10 Ex quibus illud unum est, quod, cum
Pelagius, in ea Palæstina Synodo, eas, quibus
infamabatur, hæreses condemnasset, atque
propterea ab Episcopis, qui ibi adlitterant ad
communione acceptus, & absolutus esset,
Joannes noster Jerosolymitanus (inquit Baro-
nius suprà §. accidit) quod diceretur ami-
cus Pelagii factus esse, apud Occidentales
malè audire cœperit. Sed quando id pro-
bat? Ex eo sanè, quia D. Augustinus in Epi-
stol. 252. ab eo exposculet ejusdem Synodi Pa-
læstina acta, & ibi dicat, ipsum Pelagium di-
lectum fuisse multum ab eodem Joanne. Quo
tamen non videri, levi fundamento id asser-
tum? Quod enim à Joanne acta contra Pela-
gium postulasset Augustinus, potius arguit eum
Pelagii adversarium existimasse; si enim ipsius
amicum crederet, contra ipsum gesta non uti-
que ab eo, sed ab alio obtinere quaesivisset. De-
indè, quod docat, Pelagium à Joanne valdè
dilectum esse, cur non argues Patriarcha cha-
ritatem, erga hæreticos etiam, ut ipsos ad me-
liorem traheret frugem, eò præsertim hæc occa-
sione dabitam, quod Pelagius, ut Joannes sub-
ditus, Jerosolymis tunc ageret? Quam etiam
ostenderant tredecim alii Episcopi, qui ei Sy-

nodo assuerant, & Pelagium absolverant, exi-
stimantes, sicut Joannes, quod corde & animo,
& non fide solum, hæreses retraherent. Im-
mò idem Augustinus, qui in Epist. 106. ad
Paulinum, seu Bonifacium etiam facetur
se, & eum, ad quem scribebat eam Epistolam,
dilexisse Pelagium; quia nobis (inquit) re-
ctæ fidei videbatur; quidni ergo id faceret
Joannes cum versipelli homine? Ex hac porrò
Augustini Epistola clarè innotescit, ejusdem
Joannis innocentiam immeritò à Baronio la-
besactam fuisse quia ibidem Augustinus com-
mendat ut efficacia, ea S. Pagina testimonia,
quibus Joannes Pelagium impugnaverat. Un-
de ergo locus, ut credatur ejus errori consen-
sisse, quem efficaciter expugnasse commenda-
tur? Accedit quòd in ea Epistola, cui inhaeret
Baronius, & quam ab Augustino credit scrip-
tam Joanni, ipsemet Augustinus profitetur
ejusdem Joannis sinceram fidem, dum de sub-
dolo Pelagio loquens, dixit, ipsum non sentire,
quod vos, inquit, qui Catholicà regulà
sapitis; Joannes ergo apud Augustinum Ca-
tholicà regulà, & non sicut Pelagius sapiebat.
Item ibidem hortatur ipsum, ut contra Pela-
gium agat docendo, & pro ejus salute, quæ
in Christo esse debet, orando. Quorsum hæc
peteret, ab ejusdem Pelagianismi consorte? In-
terpellandus etiam Dom. Baronius, si Jerosoly-
morum Antistes Joannes malè audire cœ-
pit apud Occidentales, apud quos Occiden-
tales? Quando? quò pacto? Aut ex quo Autho-
re id hausit? Mera ergo D. Baronii ista su-
spicio veritati contraria videtur.

11 Ad magis propria sub hoc tempore Car-
melita vocatur. Ad sumus nempe nostri relati
Joannis Jerosolymitani Antistitis, qui, juxta
plurimum computum sub anno 416. spiritem
Deo reddidit. Ejus porrò mortem inter San-
ctorum pretiosas connumerari debere, quæ di-
centur

cemus, satis, superque ostendere videntur; præmissa tamen, & reservata S. Sedis Apostolica Romanae reverentia, iussu è Vaticano responsa in simili causa spectanda fore ex cap. 1. de Reliq. & Venerat. Sanctor. Catholici cuncti expectare debemus. Ex etiam, quod S. Tribunal Censuræ fidei Hispania titulum Sancti (etsi sine præiudicio personæ) illi non concedendum decrevit Matrili sub anno 1639. Præmissis ergo testimonio Papæ Anastasii, D. Augustini, Papiæ, & aliorum, qui ipsum honorifice sanctitatis, vel simili adhuc vita superstitem, decorarunt titulo, quæ in præcedenti tomo suis locis habet Lector; ac Luciani etiam relati, qui in ea sua Epistola de inventione Reliquiarum S. Stephani Joannem vicibus repetitus Sanctum compellat: dimittaxat modo ii testes proferendi, qui post ipsius obitum eodem, vel æquivalenti cognomine, ipsum cohonestant. Primus est Romanus Pontifex Zozimus, qui Anno 417 sequenti in Epistola ad Aurelium Carthaginensem Episcopum, aliosque Africanos, quæ extat apud Baronium ann. 417. §. postquam, sic ad intentum: Ecce Epistolam Jerosolymitani Episcopi Praylii, qui in locum quondam Sancti Joannis Episcopus est ordinatus. Ecce etiam Sanctitatis cognomen Joanni à Papa concessum, ipsius post obitum. Secundus est hereticorum malleus Augustinus, qui sui non oblitus, nec simulum, quæ dixerat de eodem Joanne lib. 2. contra litteras Petiliani Donatistæ, eadem reperit eundem Sanctitatis præconio celebrans, non semel aut iterum, sed sapius in lib. de gestis Pelagii, cap. 14. & 3a præsertim. Ut videat Lector, quævis abs se non nemo pnt. averit, Joannem de Pelagianismo fuisse suspectum Augustinus; quomodo enim de Pelagianismo suspectum Sanctum vocaret, & contra Pelagianos pro patrone susciperet? Succedit proximus

Leonicæ Galleciarum in Hispania Episcopus Idacius, seu Hydarius, qui in suo Chronico ipsum in lignem & Sanctum pluries vocat. Afferri etiam in testem potest Cassianus, qui eadem ætate scribens, in præfat. ad 12. libros de Institutis Cœnobiorum, etsi tacito nomine Joannis, cum lum Basilio & Hieronymo inter viros vita notabiles & sermone, scientiaque præclaros conjungit, prout singulari eruditione probat VVassellius lib. 1. Vindiciar. Joann. sect. 1. art. 4. §. 4. Clarius loquitur, inter Græcos ejus sæculi, notissimus author Theodoretus, Cyrensis Episcopus, lib. 5. histor. Ecclesiast. cap. 35. & 38. cum admiratione dignum, & admirabilem cognominans. Quod & imitatur Cassiodorus in histor. Ecclesiast. Tripartit. lib. 10. cap. 25. Et expressius Joannes ille, Cyprius Presbyter, Author vitæ Sancti Epiphantii, nostrum Joannem vocans Sanctum in omnibus. Ado Archiepiscopus Viennensis in Martyrologio ad tertium nonas Augusti eum bis beatum compellens. Nicephorus Calixtus in Histor. Ecclesiast. lib. 14. cap. 30. à quo (quod majus est) divinus predicatur. Petrus Equilinus in Cathalogo Sanctor. lib. 1. cap. 8. eum inter Divos recensens. Joannes Gillemannus in Tabula Episcopat. & Episcopos. Sanctor. Eccles. de Patriarchis agens, & eum inter ipsos, & confessores accensens. Guillelmiannus Eremita Vallis S. Antonii Brugenfis in lib. Episcopat. & Episcopos. Eccles. Dei, pariter eum inter Divos connumerans. Et, ut ab Authorum colluvie abstinemus (quorum plurimos in libello supplicii, Religionis nostræ nomine, à RR. PP. nostris Discalearis sub anno 1631. pro hac causa diligentissimè elaborato, ac Catholica Majestati Philippi IV. Hispaniarum Monarcha oblato, studiosius reperies, specialiter connumerandi Agiologi, seu tabularum

communium, Martyrologiorum, seu Menologiorum Scriptores, qui ipsum inter Sanctos, vel beatos annumerant. Hi sunt Ado Viennensis, quem jam retulimus. Petrus Galesinus in Martyrologio Romano pro die 12. Januarii, & Joannes Molanus in additionibus ad Ursuardi Martyrologium eadem die. Adjice & aliqua Ordinis Kalendaria, in quibus profatrum suorum usum, ex capitulorum Generatium decretis, præsertim Romani in Conventu S. Martini in Montibus, anno 1564. Præsides. S. Carolo Borromeo, ejusdem Ordinis Protektore, idem Joannes inter Divos alios censetur.

12 Ex his porro præfati Patres, quos proximè adduximus, in libello illo supplici seu memoriali, Catholico Regi Mattiæ oblato, conati sunt ostendere, Joannem nostrum, ne dum Sancti, vel Beati titulo dignè cohonestarisset & inter Divos quoque ab Ecclesia canonizatos, unum censi debere. Cum enim à Zosimo Papa, D. Augustino sapiens, Luciano Presbytero (quem etiam alii inter Sanctos annumerant) Idacio Episcopo, & Joanne Authore viæ S. Epiphani; Adonis, Galesini & Molani Martyrologiis, quæ modo retulimus; Prevariis quoque plurimarum Religionum & Ecclesiarum Hispania, Germania & Gallia, quæ supra num. 1. attulimus, innumerisque aliis Authoribus, quos ne prolixissimus, solum confusim adduximus, Sanctus vel Beatus nuncupetur (adè ut uno verbo dici possit, quod à quinto sæculo, in quo diem clausit extremum, usque ad novissimum, in quo Desiderius Erasmus, Marianus Victorius, glossas, seu notas edentes ad opera D. Hieronymi, neque tamen supra modum periti Ecclesiasticarum rerum, primi nomen ipsius commacularent, semper ut Sanctus habitus fuerit, non obstantibus contra versis ipsius cum Hieronymo, & Epiphania,

videretur illi negari non posse genus illud Canonizationis, antiquum satis in Ecclesia, quod vel Episcoporum consensu, vel Christiani populi recepta traditione fiebat, prout optima nota Theologi VValdensis noster, Cardinalis Bellarminus, & alii doctissimi suis scriptis consignarunt. Verumtamen, modestia, humilitas, & obedientia versus S. Sedem Apost. limitibus teneti, id non asserimus, & rei tantæ judicium ipsius examini & sententiæ omnino relinquendum censemus, sicut in causis Lucæri Calaritanæ, Joannis Cassiani, Fausti Regiensis, & quorundam aliorum prudentiores efficiunt. Contenti dumtaxat, secundum historiarum leges, ea retulisse, quæ eandem Sanctam Sedem excitare possint, ut veluti communis mater læsa fama perantiqui Patris & Doctoris, ac Ecclesiæ Jerusalemorum Præsulis (prout speramus) consulere dignetur. Interim nos, neque Sanctum, neque Beatum canonizatum, aut beatificatum appellamus, aut appellandum censemus.

13 Unum verumtamen non prætermittendum, quod in relato libello supplici, ad Catholicam Majestatem nuncupato, tacitum quoque fuit, miraculis etiam patratis celebrem Joannem fuisse, proindeq; nihil desiderari, ut, sanctæ Ecclesiæ judicio ascendente, veluti Sanctus, seu Beatus coli possit. De ipso enim (licet in Chronologia tempore decipiat) sic habet lib. 2. de laudibus Carmelitarum Joannes Trithemius insignis Benedictinus Abbas. Vivus & mortuus infinitis fertur claruisse miraculis. Arnoldus Bosius lib. 5. Speculi hitorial. cap. 67. hæc: Sanctus Patriarcha Joannes, post curationem duorum paralyticorum & illuminationem unius cæci, plenus dierum & sanctitate, naturæ debitum solvens viam universæ carnis, orans & psallens ingressus est. Et infra: Corpus autem

autem ejus in Ecclesia Jerosolymitana honore congruè sepelitur, multis clarens miraculis, nam in morte sua claudis multis gressum restituit. *Ante ipsum Joannes Grossus Generalis Ordinis in Viridario clavi 3. hæc dixerat de eodem:* iste Sanctus fuit 44. Episcopus, post B. Jacobum Apostolum in Ecclesia Jerosolymitana, ubi ejus corpus multis clarens miraculis requiescit. *Paleomydorus* autem lib. 2. cap. 6. sic: Plenus sanctitate, post paralyticorum curationem, cæcorum illuminationem solvens debitum viam transiit univæ carnis. *Petrus autem Luctus* in compendio Histor. cap. 10. Eadem, quæ *Trithemius* refert. Et *Joannes de Leidem*, qui in eo memoriali adducitur, ea, quæ *Bosius*. Cuncta hæc tamen sacrosancta Ecclesia trutinæ subiecta sunt, ad ipsam namque ipsorum judicium infallibile spectat. Et interim nos miraculis claruisse non asserimus, *Vaticana oracula* expectantes. Idem esto de spiritu Prophetiæ, quod etiam claruisse habet *VVastelinus* tom. 2. Vindiciarum lib. 2. sect. 9. art. 1. & lib. 3. in Coronide libri art. 4. sect. ult.

14 Quamvis autem ex ipsius elucubrationibus, pro hereditate veluti suis Concarinensis derelicta, usque ad novissima hæc tempora solum numeretur liber ille de Institutione Monachorum, de quo plura in precedentibus; & ille alius contra obrectatores sui studii, de quo meministi *Gennadius* de viris illustribus, nihilominus sunt, qui putare videntur, librum secundum de Vitis Patrum, qui in volumine illo, Viæ Patrum cognominato, inseritur, nostro Joanni adjudicandum fore. Rem tamen incertam *Heribertus Rosweyda* in vitas Patrum Prologomen. 4. §. 6. annuat. Ut ut res hæc sit, *Petrus VVastelinus* noster in lib. 2. Vindic. graviter & operose

ostendit, plura ejusdem Joannis legitima monumenta in aliena castra migrasse, præsertim inter opera D. Joannis Chrysostomi: nomen enim Joannis, titulus Episcopi & ipsorum vetustas & Synchronologia in causa fuit erroris Compilatorum, ut unum pro alio librorum auctorem fuisse exisimarent. Hæc porro opera sunt opus imperfectum in Mathæum apud S. Joannem Chrysostomum, Homiliæ plures in Marcum, Lucam, Joannem, ac Mathæum; item Commentaria in Marcum & Lucam, quæ apud S. Thomam, & Anonymum Græcum in suis catenis exscribuntur: Præterea Homiliæ aliquot in Psalmos, & in patientiam Job. Insuper Homiliæ aliæ in diversa novi Testamenti. Maxime libri in stratagemata Job. Ac sermo de Pseudo prophetis, falsitque Doctoribus. Pro iis ergo vindicandis elaborantem *VVastelinus* *Idolor* adeat; nec pigebit virum doctum audire. Nos autem hæc in re judicium suspendimus.

15 Laborat insuper egregie idem *VVastelinus* eodem tomo 2. lib. 3. sect. 5. per totam, falsitatis, ac fuci comprobando, librum quendam *Paulo Orosio*, laudatissimo viro Hispano, affictum de arbitrii libertate contra Pelagium, in quo plura auctor contra nostrum Jerosolymitanum Joannem oblatrat. Ostendit namque hujus libri larvatum auctorem, non catholicum illum *Orosium* fuisse, sed impium aliquem ignotum, *Novatianismi*, *Nestorianismi*, & similium hæresum sectatorem; ac proinde mirum non esse, quod contra Joannem Chrysostomum insurgeret. Pie insuper laborat sect. ult. ejus lib. 3. Ostendendo litteras quasdam *Innocentii Papæ*, nihil adversari Joanni, quod ille ante ipsas defunctus fuerit, succedente ipsi *Praxilio*: ac proinde nihil contra Joannis fidem ex relatis Epistolis hauriri posse. Quod clarius innoscescet, si occasionem, quæ fuit

* Has litteras scribendi, in medium afferamus. Eò diligentius, quod ea proximè tangit nostra Monastica historie cursum.

16 Meminerit Lector ex dilectis superiori-
tomo, S. Paulam viduam, illustrissimam Ur-
bis & Orbis sceminam, Sanctimonialium Mo-
nasterium juxta praepe Domini in Bethlehem
sub cura & regimine magni Doctoris Hierony-
mi, crexisse. Agebant hoc tempore in eo vir-
gines plures, & inter eas Eustochium Paula fi-
lia, & Paula alia junior, monasticam vitam.
Agebat etiam in eadem patria versipellis ille,
& versutus Pelagius, sub orina Monachi pel-
le Lupus rapax, & qui suà astutia Joannem
& tredecim alios Episcopos Diaspolitana Synodi
fessellerat, ore damnans pestifera dogmata, quae
pectore condebat. Ut enim testè Clemens Rey-
nerus Benedictinus in lib. cui titulus Apolo-
latus Benedictinor. in Anglia Tract. 1.
sect. 1. §. 18. inquit: Pelagius ex primis Mo-
nachis Britannicis apud Palæstinam quasi
inter sui schematis Monachos, fuit in pre-
rio. Aliqui ergo refractarii ipsius fautores, vel
in D. Hieronymi odium, qui scriptis acerrimis
fraudulentum scorpionem exagitabat, diaboli-
ce animati, contra, vel circa praeasum Monaste-
rium, direptiones, cades, incendia, & simi-
lia extremae dementiae facinora perpetrare ausi
sunt. Tunc Hieronymus, & Virgines ille ge-
nerose ad Innocentium Summum Pontificem
per litteras recurrerunt, de perpetrato facinore
justam querimoniam proponentes. Audiit, &
litteras ad Joannem Episcopum, & D. Hiero-
nymum de ea re scripsit, ex quibus Dom. Ba-
ronius sub ann. 416. §. dilectissimo, & §.
suspicio, contendit elici, vehementem suspi-
cionem esse, quod ipso Joannis nutu, qui etiam
Pelagium absolverat, Pelagian similia crimi-
na perpetraverint. Ceterum, nec levem suspi-
cionem inde oriri posse, multis demonstrari

potest. Primum, si Joannes in causa fuisset, uti-
que vel Moniales ipsa, vel saltem Hieronymus
assuetus multò minora, eorumque auctores
prepalare, tanti criminis cum causatorem fuisse,
ad Innocentium scripsissent, quod non fece-
runt, ut ex ipsis litteris liquidò constat. Se-
cundò nihil in illis de conniventia, nutu &
opere Joannis; quorsum ergo haec illi appin-
genda? Tertiò, ea in Bethlehem patrata fue-
runt, non Jerusalem, ubi Joannes agebat.
Quartò, quid si forsitan ipse in amplissima Dia-
cesis visitatione eo tempore versaretur? Quid
quintò, si alia non crederet perpetranda à Mo-
nacho, qui specietenus & simulatè Sanctus vi-
debatur, nec ab ipsis familiaribus ejusdem e-
minentiae probitatis larvâ cooperis? Ad haec
sexto, si tantum facinus Episcopus vel conni-
ventia solum perpetraverat, cur Papa Inno-
centius in faciem ipsi delictum non exprobat?
Cur cum fratrem dilectissimum in Epistola,
quam ad eum scribit, quae 24. numero est, vo-
cat? & in ea, quam ad Hieronymum fratrem
meum. Et, quod rem totam claudit, cur Zo-
simus Papa sequenti anno eundem Joannem
Sanctum appellavit? prout appellasse diximus
sup. num. 9. Est quidem verum, quod Inno-
centius in ea Epistola iustissimò odio in superbis-
simam Pelagii haeresim, doloreque in damna ab
innocentissimis virginibus Monialibus perpeffa,
excitatus; ac ut illos pro posse in praeiis sola-
men, & in futuris opem offeret, monet Epi-
scopum officii ejus fuisse, gregi suo advigilare,
ne similia contingerent, negligentiam aliqua-
lem ipsius (etsi, ut in ea facitur non benè in-
formatus) reprehendens; ac dicens: Oportuit
tamen germanitatem tuam & gregi illius
solicitiùs providere. Ubi si expendatur illud
solicitiùs, indicatur satis, Joannem non solici-
tudiùs, sed majori sollicitudini defuisse. Et hoc,
ut inquit idem Innocentius inferius. Quae ad

nos opinione magis, quam accusatione manifestâ, delata sunt. Imò, & in hoc audires Papa Episcopum, si iam non ultimum diem clausisses, prout reverà contigit. Corruat igitur vehemens illa (apud Dom. Baronium solum) suspicio de Pelagianismo Joannis concepta.

17 Liceat tandem pro recapitulatione videlicet eorum, quæ pro Joannis Jerosolymitani Antistitis sincera fide vindicanda, sub S. Matris Ecclesiæ trutina, lima, ac correctione, tam in hoc, quam in præcedenti secundo tomo horum Annalium diximus, veluti reconveniendo Em. Baronium, quem in hac Joannis causa antagonisiam habemus, in medium proferre, quæ ipse in præcapitulationibus ad Martyrologium Romanum cap. 7. post medium habet. Probare namque contendens, quod epistola Chromatii & Heliodori Episcoporum ad D. Hieronymum, & alia ejusdem Hieronymi ad ipsos, non sint ipsorum, sed ab aliquo impostore confictæ, & ipsis attributæ, inquit: Quod insuper tam in dicta Epistola Episcoporum, quàm in ea, quæ ad eisdem, Hieronymi nomine, reddita habetur, Eusebius Episcopus Cæsareæ sanctitatis elogiò commendatur, pro monstro quidem habetur. Etenim, etsi olim Sanctitatis titulus communior esse videretur, ut non solum (ut hodiè) illis tribueretur Christianis, qui vitâ sancti in cælo regnant cum Christo, sed & quibuscumque laudabilioris vitæ fidelibus: Datum tamen aliquandò homini hæretico, nemo dicere jure poterit. Ex quo tale pro Joanne nostro vindicando conficere possumus argumentum, nisi fallimur (ut Logici ajunt) ad hominem, & efficacissimum. Titulus Sancti, vel Sanctitas nunquam homini hæretico datus fuit: quæ est Major Baronii. Titulus San-

cti, seu Sanctitatis datus est Joanni Jerosolymitano, tum viventi, tum vita functo ab Anastasio Papa, Zosimo Papa, S. Augustino, S. Paulino, Luciano Presbytero, Idacio Episcopo Lamecensi, qui omnes ipsum cognoverunt, imò à S. Gamaliele in cælis cum Christo regnante (omittimus Martyrologia, Catalogos Sanctorum, & officia Ecclesiastica, ac innumeros posteriores) ut constat ex adductis hoc tomo, & præcedenti. Ergo nunquam fuit hæreticus. Vincat ergo veritas à nobis pro posse vindicata, dum aliud, ut diximus, S. Sedes Romana non decreverit sentiendum: vide Appendicis Apologetica suppositum 4.

C O R O L L A R I A.

18 **C**olliges primò ex præmissis contra eos, qui simulant, non esse gravis momenti causam, quam contra P. M. Lupum prosequimur, dicentem in Scholiis & Notis ad Canones V. Concilii cap. 6. qui hodiè pro Joanne Jerosolymitano Apologias in Ecclesiam spargunt, lavant Æthiopem, compescendique sunt, ut ingenia libertina & noxia, nisi brevi etiam pro Martino Lutthero & Joanne Calvino velimus Apologias videre. Tanti momenti esse, ac si dixisset

19 Primò interiorem doctrinam librorum Joannis 44. Patriarchæ Jerosolymitani non minùs notari posse, quàm interiorem doctrinam librorum Martini Luttheri & Joannis Calvinii: cum tamen, nec ipse, nec SS. Epiphanius, Hieronymus, Em. Baronius, aut quispiam Antagonistarum ejus, interiorem doctrinam librorum ejusdem in particulari puncto damnati erroris notarie unquam, uti sequitur ex dictis num. 1. & in Appendice Apologetica

20 S. i. Atqui P. M. Lupus putaret se contra nos gravissimi momenti causam prosequi, si dixissemus, suorum *Scholarum* & *Notarum* ad *Censura* interiore doctrinam non minus notari posse, quam interiore doctrinam librorum Martini Lutheri & Joannis Calvinii: ergo causa, quam contra P. M. Lupum prosequimur, est gravissimi momenti. Minor & consequentia patent: major verò evidenter sequitur ex præmissis verbis ejusdem P. M. Lupi.

20 Secundò Joannem 44. Patriarcham Jerosolymitanum haud magis in revelatione reliquiarum S. Schephani vocatum *VERE Sanctum*, quam Martinus Lutherus & Joannes Calvinus fuerint *VERE Sancti*: & obindè inventionem reliquiarum S. Stephani, quam tota Ecclesia celebrat, ratione revelationis de illis Luciano factæ, uti sequitur ex dictis *num.* 3. 4. 5. & 6. non magis esse veram, quam Joannes 44. Patriarcha Jerosolymitanus, in ea vocatus *Sanctus*, fuerit Martino Luthero & Joanne Calvinò *VERE sanctior*: atqui P. Lupus putaret contra nos gravissimi momenti causam prosequi, si dixissemus revelationem super inventionem Reliquiarum S. Schephani, & inventionem ipsam non magis esse *VERAM*, quam is, qui in illa est vocatus *Sanctus*, fuerit Martino Luthero & Joanne Calvino sanctior: ergo &c. minor & consequentia patent: major verò evidenter sequitur ex præmissis verbis ejusdem P. M. Lupi.

21 Tertiò. Non magis Joannis 44. Patriarchæ Jerosolymitani vitam & mortem inter Sanctorum (vide limitationem infra *num.* 46.) pretiosas connumerari debere, vel posse, prout debere, vel posse, sequitur ex dictis *num.* 11. & 12. quàm

vitam & mortem Martini Lutheri & Joannis Calvinii; nec minus horum, quam Joannis 44. Atqui P. M. Lupus putaret se contra nos gravissimi momenti causam prosequi, si dixissemus, juxta Summorum Pontificum, Sanctorum Patrum & aliorum *num.* 11. & 12. citatorum testimonia, vitam & mortem Martini Lutheri & Joannis Calvinii inter Sanctorum pretiosas connumerari debere, vel posse: ergo &c. minor & consequentia patent: major verò evidenter sequitur ex præmissis verbis ejusdem P. M. Lupi.

22 Quartò. Non minùs Martinum Lutherum & Joannem Calvinum vivos & mortuos claruisse miraculis, sic ut nihil desideretur, ut, Sanctæ Ecclesiæ judiciò accedente, velut Sancti seu Beati coliti possint, quàm Joannem 44. Patriarcham Jerosolymitanum, uti sequitur ex dictis *num.* 13. Atqui P. M. Lupus putaret se contra nos gravissimi momenti causam prosequi, si dixissemus, Martinum Lutherum & Joannem Calvinum vivos & mortuos claruisse miraculis, sic ut nihil desideretur, ut, sanctæ Ecclesiæ judiciò accedente, velut Sancti seu Beati coliti possint: ergo &c. minor & consequentia patent: major sequitur ex verbis ejusdem P. M. Lupi.

23 Id generis absurditates non paucas gravissimi momenti ex nostra *Appendice Apologetica* facillè deducere poteris: sed aliatæ sufficiunt, ut quisque sapiens videre possit, quantum, non sine veræ & Romanæ Ecclesiæ notabili injuria, gaudium P. M. Lupus, Doctor Lovanienſis, causavit Lutheranis & Calvinistis, ubique dispersis, Martinum Lutherum & Joannem Calvinum ad statum viri, testimoniis

Pontificum, SS. Patrum Augustini & aliorum (etiam Hieronymi post reconciliationem, uti in *Appendice Apologetica* probavimus) Ecclesiarum periculum, chronicorum & Martyrologiorum passim, miraculorum &c. suprà relatis, ante & post mortem *Sancti*, attollendo, vel hunc ad statum Martini Lutheri & Joannis Calvinii deprimendo. Quæ & præmissa, an irretractata dissimulari possint, sapientissimis Facultatis Theologicæ Universitatis Lovanienfis & aliis Doctoribus, ac S. Sedi judicandum submitto. Interea

24 Colliges secundò: totum Carmelitarum Ordinem, qui sub Joannis 44. Patriarchæ Jerosolymitani libro *de Institutione Monachorum*, tanquam Regula aliqua, octingentis circiter annis militavit, ab eo sui Originis, sui Fundatoris Eliæ, Deiparæ Matris Immaculatæ Conceptionis, &c. traditionum præclaras exarationes accepit, non solum honestè & sanctè posse, sed attentis præmissis, D. Thoma *Opusculo* 19. cap. 14. & 16. Item 2. 2. q. 72. art. 2. & aliis, omninò teneri, præcitatam P. M. Lupi atrocem nimis calumniam refellere, & ipsum secundum suam noxam ad retractandum compellere: sive nè Ordo Carmelitarum sub altero Martino Lutthero & Joanne Calvino aliquandò militasse censeatur: sive nè potissimè illius Ordinis traditiones quamplurimis Pontificum & SS. Patrum testimoniis confirmatæ, ut vidimus in altero Opere *de Visione Eliæ*, &c. scriptò primum exaratæ à viro diabolico, prout fuere Martinus Lutherus & Joannes Calvinus, habeantur, & vilescant; ac sic unus è quatuor Mendicantibus celeberrimis Ordinibus, totus

cum summo hæreticorum applausu, & totius Ecclesiæ scandalo, splendore suum & commendationem amittat. Possem quidem efficaciter probare, quàm impertinenter P. M. Lupus ex Joannis 44. comparatione cum Lutthero convitiandi occasionem dederit; sed aliud suadet Augustinus (cujus ipse gloriatur esse filius) lib. 3. contra Petilianum cap. 1. Si & ego tibi vellem pro maledictis maledicta respondere, quid aliud quam duo maledicti essemus, ut ii qui nos legerent, alii detestatos abjicerent sanâ gravitate, alii suaverè haurirent maledictâ voluntate? Ego quando cuique, vel dicendo, vel scribendo, respondeo, etiam contumeliosis criminationibus laceratus, quantum mihi Dominus donat, frænatis atque coercitis rana indignationis aculeis, auditori, leclorivè, consulens, non ago, ut efficiar homini convitiando superior, sed errorem convincendo salubrior. Mihi sufficit, si P. M. Lupus

25 Reflecat primò. S. Hieronymum Joannis 44. Patriarchæ Jerosolymitani unicum cum S. Epiphanio, ad tempus, Antagonistam, Joannem 44. de hæresi nunquam culpasse, uti in *Appendice Apologetica* probavimus, his verbis S. Hieronymi de Joanne 44. loquentis, non eras tam stultus, ut apertè defenderes hæresim, quam sciebas Ecclesiæ displicere. Det P. M. Lupus unum S. Hieronymum, aut Doctotem S. Hieronymo similem, qui de Martino Lutthero aut Joanne Calvino dixerit, non eras tam stultus, ut apertè defenderes hæresim, quam sciebas Ecclesiæ displicere.

26 Reflecat secundò. Eundem sanctum Hieronymum tandem suum excessum contra Joannem 44. Patriarcham suum agnovisse, ei reconciliatum fuisse, & se illi tanquam omnibus Sanctis (undè ipsum

sum Sanctum post reconciliationem agnovit) subjecisse, uti constat ex S. Hieronymi *Epistola* 62. ad monitionem Theophili, tunc Patriarchæ Alexandrini (apud quem, tanquam, post Romanum, Patriarcham primum, & in istis partibus Summi Pontificis Vicarium de Hieronymo conquestus erat Joannes 44.) in qua S. Hieronymus jam convictus, aut saltem melius instructus, de Joanne 44. ad Theophilum sic scribit, *Quapropter, quod in principio Epistolæ dixi, etiam nunc repero: Nos velle pacem Christi, optare concordiam, & se rogare, ut illos moneas pacem non extorquere, sed velle. Sit præteritarum nostrarum dolore (nota pœnitentiam) contentus, veterata vulnera, saltem nonâ obliteret charitate. Sit talis, qualis ante fuit, quando nos suo arbitrio diligebat. Verba ei de alieno stomacho non fluant. Fatias, quod vult, & non quod velle compellitur. Aut quasi Pontifex cunctis aequaliter imperet, aut quasi imitator Apostoli universorum salutis ex aquo serviat. Si talem se præbueris [se autem talem præbuisse ostendimus in Appendice Apologética; tum ex eo quod S. Hieronymus, aliquot annis post, ad mortem S. Paulæ Matris Eustochii Virginis, in Monasterio, quod regebat, decedentis, ipsum invitavit, ut patet ex Epistola S. Hieronymi 67. ad Eustochium Virginem in fine, adertans Hierosolymitarum (utique Joannes 44.) & aliarum Urbium Episcopi; tum ex eo, quod nec mi postmodum contra Joannem scripserit] ulterò præbemus manus, extendimus brachia, amicos & parentes habeat; & sentiat in Christo, sicut omnibus Sanctis (nota) ita & sibi nos esse subiectos. Proferat P. M. Lupus unum Martini Lutheri aut Joannis Calvinii Antagonistam S. Hieronymo similem, qui de contumeliis in al-*

terutrum ipsorum conjectis pœnitentiam egerit, & dixit, *facias, quod vult, quasi Pontifex cunctis aequaliter imperet, quasi imitator Apostoli Universorum salutis ex aquo serviat, ulterò præbemus manus, extendimus brachia, amicos & parentes* (id est obedientes) *habeat, & sentiat in Christo, sicut omnibus Sanctis* (Sanctinè Lutherus & Calvinus) *ita & sibi nos esse subiectos.* Certè talem non proferet, nili probet, ipsum Martini Lutheri & Joannis Calvinii hæreses justificasse, & manibus ac brachiis amplexatum fuisse Lutheranismum & Calvinismum, instar Hieronymi directiones Joannis Patriarchæ sui: sed ille erit multum S. Hieronymo absumilis, dum probabitur talis, ut patet.

27 Reflecat tertio. S. Hieronymum *tom. 9.* (vel alium pro Hieronymo) post factam cum Joanne concordiam referre Anastasii Papæ *an. Christi* 402. sequentem ad Joannem 44. Epistolam, quæ extat *tom. primo Epistolarum Rom. Pont. f. Pro tanto igitur præconio, quod in merita mea effusissimè contulisti, ut amoris tuo gratias ago, ita splendorem tuæ Sanctitatis, & eas, quas in Domino habes virtutes, subinde quodammodo parvitas nostra favorabilis sermo prosequitur; tam eminenter vir omnium præstantissime, laudum tuarum fulges nitore conspicuus, ut par esse meritis sermo non possit. Porro autem tantum titulorum tuorum rapior iactamentò, ut etiam, quod impetrare nequeo, audere non desinam. Jam hoc de laudibus est tuis, quod me tantum de cœlestis animi istius serenitate laudasti. Tui enim Episcopatus ordoperspicuus per universum Orbem velut radians, etiam ad nos splendoris sui deculit charitatem. In me quippe totum amicitie tribus, examini nihil relinquis. Aut si jure me laudat,*

das, in quoque similiter relaudandus nomen? Obsecro igitur ob utrumque, ut memetipsum laudare jam desinas. Duplex enim causa me hoc poscere constringit, ne consacerdotis tui sensibus, aut dolorem falsa laus ingerat, aut pudorem vera succedat, &c. Adferat P. M. Lupus talem unius Pontificis ad Martinum Lutherum aut Joannem Calvinum Epi-

istolam, vel simile de Martino Lutero aut Joanne Calvino unius Summi Pontificis Eneomium, & tunc pro Martino Lutero & Joanne Calvino, uti nos pro Joanne 44. Patriarcha Jerosolymitano Apologias scribat, etenim quod ipse nobis, ipsi nos respondere non dedignabimur. Igitur sit

MONITUM CHRISTIANUM

Ad P. M. Christianum Lupum Ord. Erem. S. Augustini.

28 **A**D calcem, eruditissime Lector, Operis nostri ex Typographia Engelberti Gymnici, Impressoris Antverpiensis, nuperimè evulgati, cui titulus, *Magni Prophetæ Elia, Sacri Ordinis Carmelitarum, Fundatoris, Visio de Immaculata Deiparæ Virginis Conceptione, à Carmelitis omnium primò culta ac propugnata, & ab Ecclesia jam proximè disinibili; insertis proximè Resolutionibus variis Apologeticis de necessitate pæli ad peccatum originale; veræ & perfectæ, quoad substantiam, Monasticæ Religionis Primatu in Elia; Summi Pontificis per se, & extra Concilium generale, etiam in questionibus pæli fidem & mores salutare concernentis, infallibilitate; & Joannis 44. Patriarchæ Jerosolymitani ab Hæreticorum erroribus libera fide. Adjeci Appendicem Apologeticam pro Joanne 44. contra hanc P. M. Christiani Lupi Ord. Erem. S. Augustini calumniam, qui hodiè pro Tertulliano, Origine, Lucifero Sardonii Episcopo, Joanne Jerosolymitano, Apologias in Ecclesiam spargunt, lavant Æthiopes, compefcendæque sunt, ut ingenia libertina &*

noxia, nisi brevi etiam pro Martino Lutero & Joanne Calvino velimus Apologias videre. Quâ parte Joannem nostrum Patriarcham Jerosolymitanum tangit, atrocissimam, nec solum toti Carmelitarum Ordini summè injuriosam, sed omni prudentum judicio intolerabilem. Appendicem nostram vidit, legit, & tacet, totus præceps in provocando, totus tardus in respondendo aut retractando, legem, ut ajunt, in malum amplexus Pilati, quod scripsi, scripsi, non est Doctoris retractare sententiam, &c. Sed contra

29 Audiat obsecro P. M. Lupus sanctum Patrem suum Augustinum Epist. 48. in fine. *Quid adhuc dubitas tenere, quod sentis; nisi quia id, quod nunc sentis, vel aliquando non sensisse, vel aliud defendisse confunderis, & dum erubescis corrigere errorem, non erubescis permanere in errore, quod utique potius erubescendum fuit? Hoc est illud, quod Scriptura non tacuit, est confusio adducens peccatum, & est confusio adducens gratiam & gloriam. Confusio adducit peccatum, cum erubescit quisque pravam mutare sententiam,*

tiam, ne aut inconstans putetur, aut diuer-
rassè seipsò iudice reneatur. Is à descendunt in
infernum viventes, id est suam perditionem
sentientes, quos Dathan, & Abiron, & Chore
hiatu terræ absorpti, tanto ante futuros figu-
raverunt. Confusio autem addit gratiam &
gloriam, cum erubescit quisque de propria ini-
quitate, & pœnitendo in melius commutatur:
quod te facere piget illà perniciosà confusione
superatum, ne tibi ab hominibus, nescientibus
quid loquantur, obiciatur illa Apostolica sen-
tentia; si enim quæ destruxi, hæc eadem ite-
rum adifico, prævaricatorem me ipsum consti-
tuo. Quæ, si dici posses, etiam in eos, qui veri-
tatem correcti prædicant, quam per versi oppu-
gnabant, in ipsum Paulum primitus diceretur,
in quo Ecclesiæ Christi magnificabant Deum,
audientes, quod Evangelizaret fidem, quam
aliquandò vastabat. Nec quemquam putes ab
errore ad veritatem, vel à quocumque seu ma-
gno, seu parvo peccato ad correctionem sine pœ-
nitentia posse transire.

30 Profectò aut P. M. Lupus Operis
veritate Augustinianus non est, aut Au-
gustinum sequi debet suos retractantem
errores, præsertim cum sub initium Epi-
stola 7. sic loquatur. Si aliquid, vel incau-
sius, vel indoctius à me positum est, quod non
solum ab aliis, qui videre id possunt, meritis re-
prehendatur; verum etiam à me ipso, quia &
ego saltem postea videre debeo, si proficio: nec
mirandum est, nec dolendum, sed potius igno-
scendum atque gratulandum; non quia erra-
tum est; sed quia improbatum. Nam nimis
perversè seipsum amat, qui & alios vult errare,
ut error suus lateat. Quantò enim melius
& utilius, ubi ipse erravit, alii non errant,
quorum admonitio errore careat. Quod si no-
lueris, saltem comites erroris non habeat. Si
enim mihi Deus, quod volo, præstiterit, ut om-

nium librorum meorum quæcumque mihi re-
lissimè displiceant, opere aliquò ad hoc ipsum
insistens colligam, atque demonstrem: tunc vi-
debunt omnes homines, quàm non sim acceptor
persona mea. Et infra. Romani maximus
Auctor Tullius eloqui, nullum unquam ver-
bum, inquit, quod revocare velles, emisit. Quæ
quidem laus, quamvis præclarissima videatur,
tamen credibilior est de nimum fatuo, quàm
de sapiente perfecto. Nam & illis, quos vulgò
moriones vocant, quantò magis à sensu com-
muni dissonant, magisq; absurdi & insulsi
sunt, tantò magis nullum verbum emittunt,
quod revocare velint; quia dicti mali, vel
stulti, vel incommodi, pœnitere, utique corda-
torum est. Sed si in bonam partem accipiat,
ut quempiam talem fuisse credamus, qui cum
sapienter omnia loqueretur, nullum unquam
verbum, quod revocare velles, emisit: hoc po-
tius de hominibus Dei, qui Spiritu sancto aucti,
loquuti sunt, quam de illo, quem sic Cicero lau-
das, saluberrimà pietate credendum est. Ab
hac ego excellentia tam longè absum (atten-
dat P. M. Lupus, S. Pater ejus est, qui lo-
quitur) ut sit nullum verbum, quod revocare
vellem, protulero, fatuo sum quàm sapienti si-
milior. Illius quippè scripta summà sunt au-
thoritate dignissima, qui nullum verbum, non
quod revocare vellet, sed quod revocare deberet,
emisit. Hoc quisquis nondum est assequutus, se-
cundas habeat partes modestiæ, quia primas
non potuit habere sapientiæ, quia non valuit
omnia non pœnitenda diligenter dixisse, pœni-
teat, quæ cognoveris dicenda non fuisse.

31 Numquid fortè P. M. Lupus sa-
pientior est Ænea Sylvio (aliàs Pio II.) è
dum S. P. sui Augustini exemplum detre-
ctat, quod ille sequitur, in Epistola ad Aca-
demiæ Coloniensem de expunctione libri
Dialogorum, à se inscripti scribens. Cœgimur

B. Augustinum imitari, qui cum aliqua in suis voluminibus erronea inseruisset, retractationes edidit. Humilis, & probatissimi vir ingenti, qui suas ineptias verecundè confiteri ac corrigere, quàm impudenter defendere maluit. Idem & nos faciemus. Confitebimur ingenuè ignorantias nostras. Deinde in eadem, Julianum Cardinalem Cæsarium sic alloquitur. *At tu, qui (ut ait) me Doctore Basileensibus credere adductus es, errantem olim seclatus es, cur modo non sequeris recta monentem?*

32 Si dicas te P. M. Lupum audire clamantem: ista in Doctoribus sanctis sunt miranda potius, quam imitanda: alioqui ratio naturalis dicat, boni publici interesse, ut Doctor unus Facultatis Theologicæ Lovaniensis, unius è totius Ecclesiæ celeberrimis, famam alterius, improvidè violatam, propriæ postponat.

33 Fingis omninò: tum quia hic prætextus nimium vanus est, ut ab eo vir sapiens justam prætendat istiusmodi retractationis excusationem: tum quia evinceret P. M. Lupum à S. Augustini Patris sui procul abesse humilitate & perfectione, dum in re iustissima cum filius ipse vel solum imitari renueret. Verumtamen si Patrem sanctum, aliòve Sanctos & non sanctos divisim Doctores, quinquaginta v. g. *Orientales Episcopos*, de quibus Augustinus lib. 3. contra Cresconium c. 3. *Leporium*, de quo Cassianus lib. 1. de Incarnatione cap. 4. *Bedam* in retractatione Comentariorum in acta Apostolorum & cæterorum plures suorum errorum retractatores renuat imitari, audiat saltem Ethnicos sapientes. Aristotelem 7. Ethic. cap. 2. *St. continentia*, id est constantia, facit, ut in omni opinione persistamus, etiam in falsa, prava est. Ciceronem lib. 1. Epist.

penult. ad Centulum. Neque enim inconsistans puto, sententiam, oppositâ veritate detectâ, tanquam aliquod navigium, apertò in adversum ventò, in alteram partem ex Republica tempestate moderari. Senecam lib. 4. de beneficiis cap. 36. *Demens est, qui persat in errore*. Cap. autem 38. *Non est levitas à cognito & damnato errore discedere, & ingenuè fatendum est, aliud putavi, deceptus sum. Hac vero superbie stultitia perseverantia est, quod semel dixi, qualecumque est, fixum ratumque sit. Non est turpe, cum re mutare consilium*. Siracidem cap. 4. *Non contradicas verbo veritatis ullò pædò, & de mendacio invidentis tui confundere*. Et alios.

34 Omitto Jurisperitos, quibus nihil consultius, quàm propriam, detectò errore, mutare sententiam: taceo Medicos, quibus nihil expertius, quàm quod impium sit & inhumanum morbi veritatem ab alio deprehensam, ne expertus magis habeatur, impugnare, & solam falsò apprehensam velle curare. Nam jura & Jurisperitos sufficienter in *Appendice Apologetica* citavi: ex ipsius *Apologia contra Marpurgenses*, sive doctrina contra Medicos de ovo fecundo, in nostra Physica errorem intuli & probavi: in *Quæstione sua Quodlibetica de Origine Eremitarum & Canonicorum Regularium S. Augustini*, Eremitas Augustini primogenitos scribit, Canonicos Regulares verò tantum secundogenitos, imò etiam alienigenas prætendit: Reverendissimus P. Petrus à S. Trudone *Canonicorum Regularium S. Augustini Congregationis Wimdeseensis*, moderator Generalis, in *suo examine testamenti S. Augustini*, ab Eximio D. Jacobo Pontano Censore approbato totam istam præ-

sententiam refellit, & econtrà, Canonicos Regulares Augustini primogenitos probat, Eremitas verò dicit ab Augustino omnino fuisse alienos, incognitos, atque extraneos, adeoque nec filios ante Pontificiam adoptionem, sed ad septingentos, & amplius annos, post S. Augustini obitum, ab alio aut aliis Patribus, scilicet, vel B. Joanne Bono, vel S. Guillelmo, aut utrisque, aut aliis primogenitis. In his omnibus, ut dixi, totus præceps in provocando, totus tardus in respondendo & retractando, aliud defensorium non querit, quàm illud Pilati, quod scripsi, scripsi; non est Doctoris retractare sententiam, &c. quasi verò sola pro veritate stare debeat Doctoris scriptura; non sic tamè sanctus Pater ejus Augustinus n. 28. & 29. Non sic Pontifices n. 31. supra & 39. infra. Non sic vel ipsi etiam Ethnici n. 33. citati. Imò nec sic sapientum ullus, qui nihil in se ab homine alienum putat.

Igitur ad rationis naturalis dictamen, quod prætenditur, transeamus. Ratio naturalis dicit boni publici interesse, ut Doctor unus Facultatis Theologicæ Lovaniensis, unius è totius Ecclesiæ celeberrimis famam alterius, improvidè violatam, propria postponat. Certè rationabiliorem esse credo P. M. Lupum, quàm ut tam injustum de natura rationali dictamen præsumere possit: alioqui non est, qui ridendo non exclamaret, O sancta humilitas! quàm non novit S. P. ejus Augustinus, cum Epist. 7. dicat, *minus perversè seipsum amat, qui & alios vult errare, ut error suus lateat.* Si honores, gradus aut dignitates ambis, erroris retractatio eos potius promovet, quàm obsit; si quidem S. Augustinus Cardinalatum aut Pontificatum sapientissima errorum suo-

rum retractatione non impedivit, quem humillimus non ambivit: sed retractando, nè alioqui instar Origenis perpetuò foret infamis, sibi æternum Decus peperit, quò utroque se dignum fecit; quia ut rectè Em. Card. Paleotus Contulit. p. 5. q. 6. *qui compertâ veritate mutat consilium, probat se ministrum fidelem, qui non suo honori servias, sed in bonum publicum ex animo servatur.*

36 Addet verosimiliter P. M. Lupus, se secutum sententiam probabilem Em. Baronii & aliorum Recentiorum post ipsum, qui nec suum dogma retractarunt, nec ad retractandû obligati sunt; eò quòd sequendo opinionem sibi in conscientia visam probabilem, bona fide processerunt: propter quod ipse spargere dicitur (quod non credo) suæ Facultatis Doctores ipsum à respondendo & retractando legitime excusatum judicasse.

37 Sed contra primò (præterquàm quod P. M. Lupo S. Pater ejus Augustinus non dicat, *tene se ad Em. Baronium & alios Recentiores.* Sed: *tene se ad legem Dei, & non sequaris prævaricatores ejus; non enim secundum illorum sensum, sed secundum illius veritatem iudicaberis:* scriptum enim est Exodi 23. *In judicando plurimorum sententia non acquiesces, us à vero devies.* Imò, uti sapientissimè D. Sinnichius Saulis Exregis nu. 357. *Neque enim in schola Pythagoræ degimus; sed in schola Christi, qui nequam dixisse perhibetur, ego sum probabilitas, sed ego sum veritas.*) Probabit quidem P. M. Lupus, Em. Baronium habuisse Joannem 44. Patriarcham Jerosolymitanû de Origenismo suspectum, imò & Origenistam, juxta Epiphaniî & Hieronymi suppositas, vel saltem à se malè

intellectas litteras, uti in *Appendice Apologetica* luculenter ostendimus: sed Patriarcham istum fuisse in Origenismo mortuum, & talem, pro quo hodiè non magis, quàm, ait, pro Martino Lutero & Joanne Calvino, Apologia componi possit, neque in Baronio, cum evidenter contradicat scribens in præcapit. ad Martyrolog. Rom. cap. 7. *Es si olim Sanctissimus ritulus communio esse videretur, ut non solum (aut hodiè) illis tribueretur Christianis, qui vita sancti in cælo regnant cum Christo, sed & quibuscumque laudabilioris vitæ fidelibus; datum tamen aliquando homini heretico, nemo dicere jure poterit.* Vide Append. Apologet. n. 50. & 51. Neque in Catholicorum ullo, neque in Lutero, Calvino, aut his quolibet infamior alio, legit: nec probabit unquam se in eo secutum sententiam probabilem, nisi sibi soli proprium, contra Summos Pontifices, SS. Patres, Martyrologistas, Chronocistas, celeberrimos Doctores, Historicos & alios, de quibus, tam supra in *Præsupposito*, tum etiam aliàs in *Appendice Apologetica*, figmentum sit sententia probabilis: quod est remotissimum à mente Facultatis Theologice Lovaniensis, quæ ut supra dub. 8. vidimus, hanc propositionem: *Authoritas unius Doctores probi & docti reddit opinionem probabilem.* hac censura noravit, perniciofa est, & innumeras absurditates invehens in omni doctrina materie moralis. Igitur incredibilis est illa, quam de sua Facultate prætexere dicitur P. M. Lupus, excusatio; essetque evidens signum, quod se de calumniâ convictum sentiret, & ad respondendum non sufficientem. Quidquid tamen de ista excusatione sit, audiat P. M. Lupus D. Sinnichium, istius Facultatis

Doctorem eximium, loco citato ex *Lactantio* commonentem, *ne trahamur auctoritate cujusquam; sed veritati potius tractando saveamus & accedamus: nullus hic temeritatis locus est: in æternum stultitiæ pœna subeunda est, si aut persona inanis, aut opinio falsa deceperis.*

38 Contra secundò. Demus gratis, ità sensisse Em. Baronium, tamen sententiam ejus tantum distare à judiciali, aut etiam extrajudiciali iusta, quantum notem à meridie, efficaciter in præcitata *Appendice* ostendimus. De judiciali tamen sic loquitur Innocentius III. cap. *qualiter & quando* de accusationibus. *Ne inde nascantur injuriæ, unde jura nascuntur, mandamus, quatenus ad conscientiam vestra judicium recurrentes, si contra præscriptum ordinem tanquam homines excessissis, non pudeat vos errorem vestrum corrigere, qui positis estis, ut aliorum corrigatis errores, quoniam apud Judicem districtum, in qua mensura mensi fueritis, remetietur vobis.* Concilium Eliberinum juxta Ivonem p. 12. cap. 8. & Gratianum 2. 2. q. 4. c. definitio. *Definitio incauta, laudabiliter solvenda est: nec est prævaricatio, sed temeritatis emendatio.* Et hæc ex cap. loci 35. cap. 9. suum namque errorem cuiq; corrigere licet; atque idem, quæ à quolibet illicitè committuntur, sive à prædecessoribus (nota) admissa inveniuntur, in melius revocari oportet. Quæ cap. quod quis immediatè sequenti confirmantur, quod quis commisit illicitè, aut à prædecessoribus suis (nota) invenis admissum, si proprium periculum vult vitare, damnabit: Nos enim in nullo volumus severitatem ultionis exercere, sed qui in causis Dei vel contumaciam, vel aliquo excessu deliqueris, aut ipse, quod perperam fecit, abolere nolueris, in se quidquid in alio non re-

secue-

feceris, inveniet. Igitur non credo, mi P. M. Lupe, sapientissimam facultatem Theologicam Lovaniensem hæc jura nihili fecisse, ut te à respondendo & retractando excusaret; nec credam, nisi stoicos & stolidos in celeberrimis facultatibus Theologicis redivivos, aut istiusmodi genii Doctorum chimericam revolutionem, efficaciter probaveris: sed tunc dicam cum sermocinante ad Concilium Rhemense *serm.* inserto in *Operibus* D. Bernardi, *Aliam Synodum pronuntio vobis, ubi Dominus Deus sedebit in iudicio, & tunc liber proferetur, in quo totum continetur, unde mundus judicetur.*

39 Contra tertio. Ità reipsà senserit Em. Baronius: numquid temerè diceret P. Magister Lupus Em. Baronii sententiam esse Summorum Pontificum sententia immutabiliorem, aut licèt ipsi mutent, Baronii equidem fuisse, & fore, si viveret, immutabilem? Absit, dicet, ut Em. Baronium de tali mentis immutabilitate culpem: igitur absit, ipse se de tali culpabilem faciat, volens suam esse immutabilem: & benè perpendat cap. *Joannes Chrysostomus* dist. 50. *Joannes Chrysostomus à duabus Synodis orthodoxorum Episcoporum fuit dijudicatus, sed iterum fuit restitutus. Marcellus Episcopus Ancyra Galatiæ depositus fuit, sed postmodum proprium recepit Episcopatum. Asclepius dijudicatus à Synodo, Ecclesiam suam postea recepit. Lucius Episcopus Adrianopolis damnatus à Papa Julio, recepit Ecclesiam sui Episcopatus. Cyrillus Episcopus Jerusalemitanus depositus fuit, postea reconciliatus est Ecclesie suæ. Simili modo Polychronium ejusdem Ecclesie Jerusalemitanæ Pontificem Sixtus Papa damnavit, & iterum ipse enim reconciliavit. Innocentius Papa Photinum Episcopum dam-*

*navit, sed postea eum in proprium locum restituit Ecclesie suæ. Misenum Episcopum à Felice Papa damnatum Gelasius Papa successor illius reconciliavit, & Ecclesie suæ restituit. Leontius, dum esset Presbyter, depositus fuit, sed postea à Antiochia Patriarcha extitit. Gregorius verò quartus Papa Theodosium, quem Eugenius ejus antecessor Presbyterii honore privaverat Sanctæ Ecclesie Signina consecravit Episcopum. Ibas namque Episcopus dijudicatus fuit, sed Sancta Synodus canonica suam illi restituit Ecclesiam. Rothadium verò Episcopum Sanctæ Suesionensis Ecclesie à Synodo, cui Carolus inter fuit, condemnatum, & Sophronium Placentinum Episcopum meredò reprobatum, Nicolaus Papa ambobus reconciliavit. Et cum Em. Baronio istos Summos Pontifices in sententiæ extracathedralis mutatione imitetur: nam Baronius eos pro suo munere imitatus est intuitu Eliberini Concilii, ut vidimus in *Appendice Apologetica* num. 117. Intuitu Lucifariani *ibid.* num. 118. Item intuitu S. Faustii Regiensis, quem ad annum 490. ità variis maculatum erroribus descripsit, ut ejus prænomen Sancti eraserit: sicutamen, ut postea ab aliis melius instructus, *Faustum* pro *Sancto* habuerit, & sententiam, quam prius contra ipsum ex subreptione tulerat, retractavit. Impediisset nè Facultas Theologica Lovaniensis, nè P. M. Lupus faceret, quod, non solum Em. Baronius, sed & Summi Pontifices, S. Augustinus & alii Patres piè & sanctè fecerunt? Non credo, non credo.*

40 Contra quartò. Procefferit bonà fide contra Joannem 44. Em. Baronius, eadem fide procefferint alii post ipsum, eò quòd allatas pro Joannis 44. vera fide, & ab Origenismo immunitate, in Opere

de *Visione Eliæ* & adjecta *Appendice Apologetica Supposito 4. num. 50. & 51.* pro ejus sanctitate ante & post mortem in *præsupposito* supra, *authoritates & rationes* nondum vidisse poterant: attamen P. M. Lupus bonæ fidei Doctor haberi non potest in calumnia, qualis de Joanne 44. Patriarcha Jerosolymitano ab ullo catholico, aut etiam hæretico, inventa nunquam, & Summorum Pontificum, Sanctorum Patrum, Martyrologistarum, & celeberrimorum Doctorum dictis, quæ videre potuit in *vindictis Eximii P. M. VVasselii*, Bruxellæ ferè in ipsius conspectu impressis, reprobata semper. Esto tamè P. M. Lupus bonâ fide eam protulisset, quin, detecto errore, sit malæ fidei, nisi revocet, eum possit, solus stoâ & stolâ negabit obstinatus: nam ut rectè Salvianus in Epistola ad Aprum & Verum, *Incidere in falsæ opinionis errorem, priusquam vera cognoscas, imperiti animi est: & simplicis; perseverare verò in eo postquam agnoveris, contumacia.* Cui Pius II. in Epistola ad Academiam Coloniensem tribuit superborum ruinam, ut sequitur: *mortem quidam, prius sibi consciverint, quàm videri velint, aliquando, malè sensisse. Et nonnulli, ne vel ad horam videantur errasse, semper errant; & dum vel minimam tolerare honoris jacturam nequeunt, totum abiciunt, & perpetuâ notantur infamia, & in pessimas prolabantur hæreses; qui ne appareant inconstantes, pertinaces efficiuntur: superbissimi hoc agunt, qui videri Dei, non homines volunt, quales Constantiæ combusti sunt nostra ætate in magno Conventu, Hieronymus & Joannes Hæresiarchæ. Et Gerſo in suo Trilogo. Quosdam videre est, qui tantâ animositate, suis aut expis, aut consulis inhærent, ut nullis ad oppositum rationibus,*

nulla in: ommodorum experientiâ flecti possint. Malunt omnia secum ruerè, omnia frangi, vel turbari, quàm pedem retrò flectere à via sua, etiam in via, & ob hoc jam non vias, quoniam progressui obſtare reperiuntur, vel spinarum, hoc est vitiòrum sepes horridæ; vel fassatorum, hoc est cordium profunditas incognita, vel laceruncularum malignitas, vel comitum mutua impugnatio, vel viarum districtus humiles, quos cervicosa surgidaque præsumptio nequit prætergredi, quia nequit humiliari. Irascuntur denique tales odio immortalis contra omnes, quos viderint, vel audierint, non dicam adversari sibi, sed non plenè vocibus & totis assentiri sententiis.

41 Quia tamen contingere potest: quod P. M. Lupus sit ad objecta de *Ovo secundo*, probationes de *Eremitarum*, ut ajunt S. Augustini, *secundo-genitura* aut etiam *alienigenitura*, & ad *Appendicem nostram Apologeticam pro Joanne 44. Patriarcha Jerosolymitano* responsurus, dum naturæ ovi, Historiæ sui & nostri Ordinis, uti suis in *Synodorum Generalium decreta Scholiis & Notis*, satis studuerit. Sit

M O N I T U M

S E C U N D U M.

42 **A**ttendat benè P. M. Lupus, quod *Appendici Apologeticæ pro Joanne 44. contra calumniam suam* non satisfaciet, nisi enervia ostendat *Corollaria ex præsupposito supra: & efficaciter probet,*

43 Primò. Epistolas Epiphaniæ ad Joannem 44. & Hieronymi ad Pammachium adversus Joannem 44. (ex quibus tota Em. Baronii de Joanne 44. hallucinatio, &

Christ. Lupum, super Append. Apol. pro Jo. 44. Patr. &c. 345

P. M. Lupi calumnia defumi debet) esse utriusque absque notabili alteratione & corruptione originales: nam illas, aut esse Epiphanio & Hieronymo suppositas, aut saltem in se & suis Argumentis alteratas & corruptas, ostendimus *Append. Apolog. Preamb. 1. & 2.*

44 Secundò. Epistolis istis pro originalibus haberi permixtis, eas aliquem determinatum errorem Joannis 44. tunc ab Ecclesia damnatum continere, & non solum Joannis de Origenilino, nondum ab Ecclesia damnato, suspicionem malè fundatam, & ab Hieronymo ac Epiphanio merè quæsitam, ob justam indignationem Joannis 44. super ordinatione Pauliniani, fratris S. Hieronymi, ab Epiphanio in Diocesi Joannis 44. & non sua, contra Sacros Canones, uti ostendimus *Append. Apolog. Preamb. 3. Suppos. 5. 6.* Et postea *Exam. 5. 1. facta.*

45 Tertiò. Joannem 44. aliquem in suis operibus scripsisse, aut docuisse errorem, ab Ecclesia, antequam illum scriberet, aut doceret, damnatum. Concilium aliquod, aut etiam Conciliabulum, ante aut post mortem Joannis 44. determinatum errorem examinasse ut Joannis 44. vel damnassem tanquam ipsius. Joannem 44. in Patriarchatu fuisse de sinistra fide ab aliquo se superiore monitum, aut correctum, &c.

46 Quartò. Joannem non fuisse in vita & post mortem pro sancto habitum, à Summis Pontificibus, & sanctis Patribus, in receptissima revelatione, Chronicis & Martyrologiis, à viris piis ac doctissimis, ut patet ex *Præsupposito* suprà, usque ad fraudem Erasmi Roterodami, quàm *Epistola* Hieronymi ad *Pammachium* addi-

dit pro titulo *adversus errores Joannis 44.* Et Em. Baronii hallucinationem, quàm ex Epistolis Epiphanii & Hieronymi, jam titulò Erasmi præoccupatus, malè intellectis, in Joannem offensionis lapidem posuit. Dixi pro *sancto habitum*, puta, hic & alibi semper, sub limitatione data *n. 12. & 17. supra.*

47 Quintò. Omnes istos Pontifices, sanctos Patres, & alios in *Præsupposito* citatos, lavisse Æthiopem, eò sensu, quòd, P. M. Lupe, Origenem vocas *Æthiopem* cap. 1. dissert. de *V. Synodo*: quatenus 1. *post atroces in Deum blasphemias in ipso martyrii articulo Christum abnegavit, &c.* 2. *quatenus totius Orbis in Origenis odia exarsit.* 3. *quatenus omnis, tam orientis, quàm occidentis Catholicorum Synodus, pari sententiâ & spiritu, Origenem hæreticum denunciavit.* 4. *quatenus Quiricius Monachus Origenem cum Nestorio, Eutichese, Dioscò, alijsq; Hæresiarchiis in inferno ardentem vidit.* Subdens *quarè ejus Apologum agere, est Æthiopem tam infami nigredine pictum lavare, & sic de Joanne 44. Patriarcha Jerosolymitano: nam sic habes locò supra citatò, qui hodiè pro Origene & Joanne Jerosolymitano Apologias in Ecclesiam spargunt, lavant Æthiopes,* puta, à te statim allatà infami nigredine pictos.

48 Sexto. Se eàdem, imò majori, temeritate non dixisse, *qui hodiè pro Origene & Joanne Jerosolymitano Apologias in Ecclesiam spargunt, lavant Æthiopes,* quàm temerè de Lucifero Sardorum Episcopo (licet hujus defensione justissimam Joannis causam turbare nolumus) uti de Origene dixit ibidem: *qui hodiè pro Origene & Lucifero Episcopo Apologias in Ecclesiam spargunt, lavant Æthiopes.* Nam *Append. Apolog. 5. 3.*

triarcha Jerosolymitano materiam amplissimam & indubitatam subministrant, & hoc sensu pro illo in Ecclesia Apologias sparserunt.

50 Octavo. Posse æqualia Pontificum, SS. Patrum, Revelationum, Chronicorum & Martyrologiorum, virorum piomm ac doctissimorum, in vera Dei Ecclesia colligi testimonia pro Martino Luthero & Joanne Calvino, ex quibus Apologia pro his justa componatur, illis, quæ in *Præsupposito* collegimus pro Joanne 44. Patriarcha Jerosol. alioqui ex Apologiis pro hoc nullum esset periculum brevi videndi Apologias pro illis, uti P.M. Lupus prætendit, his verbis, *nisi brevi, &c.* quia impediret testimoniorum inæqualitas.

51 Nonò. Summos Pontifices, Sanctos Patres, revelationem receptissimam, Chronica, Martyrologia, viros pios ac doctissimos, &c. de quibus in *Præsupposito*, habuisse pro Sancto Joanne 44. Patriarcham Jerosolymitanum, tam immeritum, & sanctitatis titulo tam indignum, ac est Martinus Lutherus & Joannes Calvinus, prout importare videntur hæc verba, *nisi brevi etiam pro Martino Luthero & Joanne Calvino velimus Apologias videre.* Dixi pro Sancto, limita uti n. 46.

52 Decimo. Joannem fuisse aliquandò de Origenismo vel simili errore suspectum, sufficere ad formandum judicium de obstinatione & impœnitentia ejus finali, qualis de Origene, Luthero & Calvino præsumitur, & hoc datò, ad judicandum obstinatos & impœnitentes esse mortuos, illos omnes, qui non solum de suspitione, uti Joannes Jerosolymitanus, sed de hæresi formali aliquandò accusati sunt, videlicet (teste Theophilo Raynaudo,

Miscellorum Sacrorum cap. 5. contra iclūm calumnia) Gregorium Thaumaturgum, qui de Sabellianismo. Dionysium Alexand. qui de Arianismo. S. Lucianum Martyr. qui de Arianismo. S. Miletium, qui de Sabellianismo. S. Victorem, qui de Homousionismo. S. Basilium, qui de violata Christiana fide, Trithemismo & Arianismo. Gregorium Nyssē. qui de Origenismo. Gregorium Nazianz. qui de Christi in duos filios distractione. S. Epiphanium qui de Iconomachismo. Hieronymum, qui de Sabellianismo & Manichæismo, quò nomine apud Siricium Pápam male audivit. Cyrillum Alexand. qui de Apollinarismo. S. Fulgentium, qui de Photinismo. S. Anselmum, qui de Trithemismo. Augustinum, qui de istorum multis, uti ex Lyræo *Appendicis Apologeticæ* num. 126. vidimus, & sic de pluribus aliis, quibus istæ hæreses sunt tributæ. Judicare autem omnes illos obindè obstinatos & impœnitentes mortuos, supremæ temeritatis & blasphemie esset. Verum quidem est, quod hæreses illæ satis evincantur istis affectæ per hæreticorum calumniam, quam in causa Joannis 44. SS. Epiphanio & Hieronymo affricare nefas putamus. Sed nihil impedit, nè dicamus, Epiphaniū & Hieronymi Epistolas in puncto *suspicionis de Origenismo*, etiam per hæreticorum fraudem alteratas & corruptas fuisse: nec facilius P.M. Lupus istam calumniam, quàm ego hanc fraudem, probabit; tum quia illæ eadem litteræ in eo, quod continent Epiphaniū Iconomachiam, ob scissum ab eo velum, in quo imago Christi vel alicujus sancti picta erat, ad venerationem foribus templi appensam, juxta Em. Bellarminum *lib. de imag. cap. 9. ad 5.* Epiphanium Diaconum

in 7. Synodo art. 6. som. 5. & Theophilum Raynaudum loco *suprà* citatò sint ab aliquo Iconomacho alteratæ & corruptæ; tum ob plures alias rationes in *Appendice Apologética* fusiùs deductas. Quò positò, ejusdem supremæ terneritatis ac blasphemix erit P. M. Lupo dicere, Joannem 44. Patriarcham Jerosolymitanum esse instar Origenis, Lutheri & Calvinii obstinatum & impœnitentem mortuum, ac de tot Sanctis præfatis, & quidem inter eos S. Patre suo Augustino.

53 Vidit indubiè P. M. Lupus ex Opere nostro *De Visione Elie & Appendice nostra Apologética pro Joanne 44. adversus ipsius calumniam*, ei ad calcem juncta, se non posse cum honore, (saltem tamen) ac calumniam præcipitavit) satisfacere, & ideò, ut fertur, ne respondendo non satisfaciat, aut retractando infametur, pro excusatione prætendit, eximios Doctores Theologicæ Facultatis Lovaniensis dissuasisse *Responsum & Retractionem*; eò quod res tanti momenti non videretur, ut ad alterutrum statim obligaret: sed hanc excusationem esse vanam, & prudentum iudiciò haberi debere suppositam, satis evincunt præmissa: nec ipse reverà, adeò in proprio errore cœtus est, ut non videat, quod licet convicia & calumniæ in tantos Viros, & hinc integrum Ordinem, quæ linguâ proferuntur, non ita noxia sint, & plerumque statim aura dissipet; ea tamen quæ scribuntur & libris imprimuntur eò graviùs illos, quos læsere injuriâ, premant autoritate & scripturâ, quò diutiùs durant: nec eos tantùm, sed & suos Scriptores, dum suæ improbitatis monumentum produnt posteris, perpetuò in ipsos tanquam improbos convitiatores

retorquendum. Utinam hos morte æternâ aliquandò non premant: quandoquidem nisi legitime retractentur, cum possint, sint perennis fons virulentix continuò in ipsam injustam famæ detentionem & mortem æternam voluntariè salientis; non enim remittitur peccatum, nisi, dum potest, restituatur ablatum juxta Augustinum Epist. 54. relata *Regula 4. de Regulis juris* in 6. Vide eundem n. 29. & D. Sinnichium ex Lactantio *suprà* n. 37. Item cap. *fraternitatis de frigidis & maleficiis*, in quo Innocentius III. sententiam injustam, ab Altiissiodorensi Episcopo latam, etsi per errorem probabilem, errore detectò, retractari jubet; proculdubiò ne injuria, quæ alioqui erat materialis tantum, jam detectò errore evaderet formalis.

54 Si tamen non obstantibus præmissis P. M. Lupus, nec respondere, nec suam præcipitem calumniam retractare velit, in præsentì cãusa, tuæ humanitati, AMANTISSIME LECTOR sufficiet, ut spero, illud S. Augustini lib. *de Baptismo* pro S. Marcellino & aliis *contra Petilianum* cap. 16. (quod P. M. Lupo facillimè accommodari potest) *Quid ergo jam opus est, inquit, ut Episcoporum Romana Ecclesiæ, quos incredibilibus calumniis insectatus est* (quid ergo jam opus est, ut Joannis Patriarchæ Jerosolymitani & Luciferi Sardorum Episcopi, quos incredibili calumnia P. M. Lupus insectatus est) *objecta ab eo crimina diluamus? Marcellinus & presbyteri ejus, Melchisedech, Marcellus & Sylvester traditionis codicum divinatorum, & thurificationis ab eo crimine arguuntur* (Joannes Patriarcha Jerosolymitanus & Lucifer Sardorum Episcopus errorum, Æthiopismi, & expurgabilitatis Origenis, Martini Lutheri & Joannis

nis Calvinii à P. M. Lupo arguuntur.) Sed nunquid idem etiam convincuntur, aut convicti aliqua documentorum firmitate monstrantur? Ipse sacrilegus fuisse dicit, ego innocentes fuisse respondeo. Quid laborem probare defensionem meam, cum ille (quod de P.M. Lupo in nostro casu omnino verificatur) nec tenuiter probare conatus sit accusationem suam? si est ulla humanitas in rebus humanis, puto nos iustius posse reprehendi, signatos homines, quos criminantur inimici, nec eorum crimen ullâ reificatione demonstrant (sic enim Joannem Patriarcham Jerosolymitanum & Luciferum Sardorum Episcopum criminatur P. M. Lupus, nec eorum crimen, quale in Lutero & Calvino tota Ecclesia Romana agnoscebat, imò nec aliud, in quo impœnitentes decesserint, ullâ testificatione demonstrat) nocentes potius, quàm innocentes crediderimus. Quia si forte se aliter veritas habet, ipsi certè humanitati debitum redditur, cum homo de homine, nihil malè temerè suspicatur, nec cuiquam criminanti facilè credit, quandò sine teste ac sine ullo crimine obijciens, maledicus potius convitiator, quàm veridicus accusator extiterit. Et aliundè, ut rectè S. Basilii in cap. 7. Esaiæ, Talis planè est natura hominum istorum, qui suòpre ingenio amarulenti sunt, qui adversus Spiritum Sanctum digladiantur, ac pugnant, suammet malignitatem tantò affiguntur atrocior, quàm quicumque per eorum indignationem offenduntur. Viderint tamen inquit S. Cyprianus Epist. 42. Qui vel furori suo, vel libidini servientes, & Divinae legis ac sanctitatis immemores, jacitare interim gessius, quæ probare non possunt; & cum innocentiam destruere atque expugnare non valeant, satis habent fama mendaci & falso rumore maculas inspergere. Cerè quod Præposi-

tis & Sacerdotibus congruis, danda opera est, ut talia cum à quibusdam scribuntur, per nos respuantur. Ubi enim erit, quod discimus, ac docemus, & labia tua ne loquantur insidiosè. Item alibi. Os tuum abundavit malitia, & lingua tua complectebatur insidias, sedens adversus fratrem tuum detrahebas, & adversus filium matris tuæ ponebas scandalum. Item quod Apostolus dicit, Omnis sermo malus de ore vestro non procedat, sed bonus ad ædificationem fidei, ut det gratiam audientibus. Porro hæc fieri debere ostendimus, si quandò talia quorundam calumniosà temeritate conscripta sunt, legi apud nos non patimur.

CONCLUSIO MONITI CHRISIANI.

EX præmissis Corollariis à num. 18. ad 28. verificatur contra P. M. Lupum sententia Isidori lib. 2. Quia scripta medullitis non indagantur, in erroris labyrinthum nonnulli intrinsecando impingunt, cum ante judicant, quàm intelligant, ante culpant, quàm iterando lecta perquirant. Nam quæ præsupposuimus Corollariis à num. 2. ad 18. medullitis non indagavis: quæ in Epistolis S. Epiphani ad Joannem 44. Patriarcham Jerosolymitanum, & S. Hieronymi ad Pammachium adversus eundem Joannem (ex quibus totius hallucinationis origo,) antè judicavit, quàm intellexerit, uti in Appendice Apologesica ad Opus de Visione Elia fusè & efficaciter probavimus: & Joannem 44. comparando cum Origene, Martino Lutero & Joanne Calvino, antè cul-

pavit, quàm iterand. lecta in Em. Baronio & aliis *perquiserit*: imò nè vel in unico, non solum Christiano, sed & Christianorum hoste impiissimo, talem de Joanne 44. Patriarcha Jerosolymitano cum istis hæresiarchis comparationem legit, uti firmiter credo, & credam quamdiu illum non citarit, qui simile quidpiam effutiverit.

Ex dictis *num. 34.* sequitur: P. M. Lupum contra Joannem 44. & nostrum Ordinem totum eadè, aut porius simili ultione scripsisse, quà aliàs Em. Baronius contra eundem scripsit, teste P. Mathia à S. Joanne *lib. cui titulus Historie Panegyricæ de l'Ordre de nostre Dame du Mont Carmel p. 1. cap. 6.* à quodam Carmelita, non contemnendæ eruditionis; offensus in puncto doctrinali, sive etiam Historia voluminis 1. suorum Annalium. Sed sicuti præfatus Pater pluribus tomis dilucidè ostendit ultionem istam fuisse in Em. Baronio historicæ veritati inimicam; ita speramus nos hic, & in *Appendice Apologetica* ostendisse, similem ultionem esse in P. M. Lupo sapientia aliàs commendabili indignam, ejusque *Scholia & notas ad Concilia* non parum reddere de insufficienti indagine & veritate suspecta: quod cavisset, si S. Hieronymi Monitum ad Rusticum, nè *ad scribendum citò profiliat*, & *levi ducaris insaniâ, multò tempore discet, quod docet*, audiisset: imò etiam abstinuisset ab eo, quod de Joanne 44. Patriarcha effutivit potius, quàm docuit, si in obviis *Vindictis* P. M. Wattelii, *Annalibus* P. M. Lezanæ, *Historia Panegyrica* Mathiæ à S. Joanne, *Commentario* &c. P. Dorothei à S. Renato, *Vinea Carmeli* P. Danielis à Virgine Maria, & aliis in *Præsupposito* cita-

tis, multò tempore didicisset oppositum ejus, ad quod scribendum nimis citò profiliat; quia equidem non plus sua ipsi ultio proderit, quàm Em. Baronio scripsisse contra Ordinem profuerit, de quò accipe ex P. Dorotheo in *Commentario* præcitato pag. 560. *Baronius l'An 1595. dedia au Pape Clement VIII. le sixieme tome de ses Annales, dans lequel il traite l'Ordre du Mont Carmel avec tant d'indignité. Ce Souverain Pontife fit bien voir dès la premiere occasion, qui se presenta, combien peu il estoit un sentiment si temeraire. Il donna l'An 1600. le 2. de Novemb: la Bulle, qui commence in Apost. dignitatis, dans laquelle il use de ces termes, Sanctorum Prophetarum Eliæ & Elisæi aliorumque Sanctorum Patrum, quorum hæredes sunt, vestigiis insistentes. Il donna encor l'An 1604. le 13. de Juillet la Bulle, qui commence Dominici gregis, dans laquelle sont ces mots, Patris vestri Prophetæ Sanctissimi Eliæ, vestri Instituti Authoris, alumnos & imitatores vos ostenditis. Et puis il escrivit le 15. d'Octob. du mesme An la lettre au Roy de Perse, pour les Carmes Missionaires, dans laquelle entre autre chose, il dit, ut autem tu aliqua de eorum Instituto intelligas, pauca quædam tibi significanda duximus, ex quibus cætera faciliè conjicias. Habuerunt olim Religionis hujus professores, sicut à Romanis Pontificibus prædecessoribus nostris memoriæ proditum est, sui Instituti Authores Sanctos Prophetas Eliam & Elisæum omnibus nationibus & gentibus notos &c.*

Ex Addito à *num. 36. ad 41.* manifestum est (præter Ex. D. Sinnichium *ibid.* citatum) Martinum Damiensem Episcopum *lib. de vitis Cardinalium cap. 1.* meritò dixisse, *non se moveat dicentis auctoritas:*

nec quis, sed quid dicat intendito: quia dicens plerumque, in eo, quod dicit, figulus est autoritatis nullius, ut patet ex comparatione Joannis 44. & Luciferi cum Origene, Martino Luthero & Joanne Calvino, quam P. M. Lupus abique ullius, etiam impiissimi, autoritate fecit, & dixit. Verum quidem est, quod Salvianus Episcopus Massiliensis in *Epistola ad Solonium* scribat, *tam imbecilla sunt judicia hujus temporis, ac penè tam nulla, ut ii, qui legunt, non tam considerent, quid legant, quam cujus legant: nec tam dictionis vim atque virtutem, quam dictatoris cogitent dignitatem.* Sed hoc jam num. 54. præoccupatum est, & id ipsum est, quod corrigendum monet Damienensis statim citatus; nec in P. M. Luporetractandi obligationem minuit, sed auget omnino, ut vidimus num. 53.

Ex Monito 2. à num. 42. ad 53. summarie habes puncta ad quæ, & Corollaria Præsuppositi, P. M. Lupi Cathegoricum Responsû expectamus, aut alioqui pseudo-dogmatis ejus de Joanne 44. Patriarcha Jerosolymitano famosi necessarii retractationem. Illa specificanda duximus, ne à mente nostra aberrans in aliis frustrà laboret, aut in principali victus, alibi nodum accessorii in scirpo quærat; unam fortè hinc inde autoritatem malè cita-

tam carpat, debilius aliquod fundamentum, fortioribus, quibus dejicitur, intactis totus impugnet, aut de quadam nostra exerratione futili, à qua controversiæ veritas & decisio nullatenus pendent, trophæum faciat, & sic parum aut nihil ad intentum *Moniti* hujus *Christiani* finem respondeat: quod ut prudenter vitet, ex Em. Baronio in *Annot. Martyrol. ad 9. Octob.* notet, quod si ob unum errorem, vel alium, in *visis Sanctorum inventum, cetera, quæ remanent, fide carere dixerimus: profectò omnes ferè Sanctorum vitæ in maximum discrimen inducimus; cum penè in omnibus aliquid notari possit, quod corrigendum videatur, sit quoque canonicarum tantummodo scripturarum singularis prerogativa; ut in eis cuncta vera, inconcussa, certa, & narrentur.* Vale igitur, mi P. M. Lupe, & hoc *Monitum Christianum* ad unius Patriarchæ vivi & mortui in communi opinione sanctitatis defensionem, totiusque Ordinis nostri emaculationem necessariam, Boni. consule, ac responde, aut S. Patrem tuum Augustinum in retractando sanctè & religiosè & justè & sapienter imitare, nè si non restituas ablatum, cum possis, in æternum, quod abis, tuum non remittatur peccatum.

F A C V L T A S

REVERENDI ADMODUM

PATRIS PROVINCIALIS.

FR. DANIEL A VIRGINE MARIA humilis Prior Provincialis Fratrum B. MARIE Virginis de Monte Carmelo Provinciæ Flandro-Belgiæ.

Permittimus insuper *Apologemati Retorto* adjici *Monitum Christianum*, &c. Quô nervosè demonstratur obligatio R. Admodum Patris Magistri Christiani Lupi Ordinis Eremitarum S. Augustini ad abstergendam gravem calumniam, appictam Joanni 44. Antistiti Jerosolymitano, nostro quondam Legislatore, & consequenter toti Ordini nostro, qui per octo ferè sæcula (videlicet ab anno Christi 412. ad 1205.) istius Joannis Librum inscriptum *De Institutione Monachorum*, &c. pro Regula habuit, & servavit: illud enim legi ex speciali commissione Reverendissimi Patris Generalis, nec quidpiam Catholicæ Fidei aut bonis moribus dissonum deprehendi. Datum in Carmelo nostro Gandavenfi die 30. Julii 1665.

FR. DANIEL A VIRG. MARIA,
Provincialis, qui suprâ.

APPRO.